

2419

明  
詞  
綜

冊  
一

蘇州  
蘇州  
蘇州

明詞綜

四溟雜錄

四部備要

集部

上海中華書局據原刻本

校刊

桐鄉 陸費達 總勤

杭縣 高時顯 輯校

杭縣 吳汝霖 校

丁輔之 監造

序

國初朱竹垞太史集三唐五代宋金元之詞汰其蕪雜簡其精粹成詞綜三十六卷汪氏晉賢刻之爲後世言詞者之準則予尚以其不及明詞爲憾蓋明初詞人猶沿虞伯生張仲舉之舊不乖於風雅及永樂以後南宋諸名家詞皆不顯於世惟花間草堂諸集盛行至楊用修王元美諸公小令中調頗有可取而長調則均雜於俚俗矣然一代之詞亦有不可盡廢者故

御選歷代詩餘擷取者一百六十餘家予友桐鄉汪康古又謂竹垞太史於明詞曾選有數卷未及刊行今其本尚存汪氏頻訪之而不得嘉慶庚申遇汪小海於武林則太史未刻之本在焉於是卽其所有合以生平所搜輯得三百八十家共成十二卷彙而鐫之以附詞綜之後選擇大旨亦悉以南宋名家爲宗庶成太史之志云爾嘉慶七年八月青浦王昶撰

明詞綜目錄

卷一

仁宗皇帝

宣宗皇帝

周憲王

劉基

張以寧

韓守益

貝瓊

梁寅

高啓

楊基

高明

劉昉

黃澄

程本立

姚廣孝

解縉

王洪

胡儼

瞿祐

謝應芳

張官

卷二

鐵鉉

莫璠

李禎

王直

徐有貞

趙迪

戴璉

商輅

聶大年

王越

張寧

湯允勳

李東陽

姚綬

沈周

桑悅

吳寬

王鏊

吳洪

趙寬

楊循吉

費宏

蔣冕

王鴻儒

夏鐸

史鑑

張旭

祝允明

李夢陽

顧潛

朱諫

王九思

邊貢

顧璘

唐寅

周用

卷三

陳霆

王廷相

陸深 王章 韓邦奇 丁奉

吳山 楊慎 齊之鸞 盧雍

張縉 桂華 李濂 崔桐

趙金 夏言 文徵明 陳鐸

謝承舉 陸楫 徐階 盧襄

陸邛 楊儀 呂希周 王慎中

吳子孝 陳如綸 薛廷寵 閔如霖

卷四 駱文盛 許穀 蔡宗堯

陳鏐 萬士和 李攀龍 周思兼

文彭 王世貞 孫樓 王好問

趙大佑 邵圭潔 鄔仁卿 吳邦楨

于未 王世懋 王錫爵 張鳳翼

高濂 徐渭 陳淳 彭年

林章 夏樹芳 支大綸 趙南星

屠隆 馮琦 湯顯祖 袁黃

焦竑 陳繼儒 王冑堂 儲昌祚

卓發之 賀彥發 楊繼禮

卷五

李日華 查應光 范鳳翼 支如玉

吳 充

費元祿

俞 彥

王 衡

吳宗達

雷 迅

魏大中

陳翼飛

吳宗儒

焦源溥

方于魯

錢士升

錢繼登

劉榮嗣

魏浣初

阮大鍼

王 坊

鄭士奇

張名由

黃承聖

莫是龍

徐 燭

張 瑋

彭紹賢

吳鼎芳

馬 洪

施紹莘

董斯張

顧同應

馮盛世

范文光

孫茂芝

徐石麟

王 屋

葉紹袁

陸錫明

汪 膺

范 汭

汪廷訥

卷六

馮鼎位

葛一龍

茅 維

卓人月

湯傳楹

楊士聰

萬壽祺

支如增

劉 侗

路 邁

吳本泰

錢繼章

歐陽鉉

陳子龍

方大猷

錢 棟

夏允彝

來集之

單 恂

黃周星

周世臣

王彥泓

金俊明

錢應金

方以智

萬日吉

呂福生

沈 案

宋存標

卷七

明

詞 綜

目錄

一一中華書局聚

朱一是 錢棻 關鍵 魏學濂

吳易 王泰際 宮偉鏐 沈龍

徐遠 吳聞禮 夏完淳 沈泓

吳熙 沈麐 沈自炳 韓曾駒

歸莊 張綱孫 周永年 許友

韓洽 蔣平階 于儒穎 周積賢

吳騏 計南陽 張天湜 金是瀛

沈謙 李標

卷八

魏允枏 張逸 李元組 李明嶽

胡偕行 程辭 張大烈 程可中

秦瀚先 錢繼振 張杞 于玉班

沈懋德 查維宏 胡介 顧德基

俞汝言 戈止 孟稱舜 王化龍

蔣爾璵 周珽 邵梅芳 邵麟

徐士俊 及丹生

卷九

錢澄之 錢光繡 季孟蓮 賀裳

李煒 王翊 沈目徵 沈際飛

姜實節 錢士賁 杜濬 紀映鍾



陸嘉淑 韓純玉 周 箕 朱茂明  
孫紹祖 顧朝楨 顧 志 裘昌今

卷十

張文秀 陸亮輔 裘 律 唐世瀚

李伊玉 胡文煥 江 廣 顧 衆

喻 綜 張仲立 倪 撫 徐爾鉉

霍 達 吳 楨 郭輔畿 沈士鑛

沈鍾鶴 陸釋麟 梁木公 秦公庸

梁希聲 吳莫勝 陳琴溪 張卿玉

天隨子 杜陵生 無名氏 釋涵初

道 源 今 釋 一 靈 張無爲

卷十一

黃 氏 劉 碧 端淑卿 顧文婉

袁彤芳 王鳳嫻 陸卿子 龍 輔

徐 媛 張鴻逵 瞿寄安 朱盛藻

沈宜修 張倩倩 葉小紈 沈憲英

項蘭貞 商景蘭 李玉照 葉紈紈

葉小鸞 沈靜專 儲 氏 申 蕙

張嫺倩 歸淑芬 吳 綃 顧道善

謝季蘭

陳氏

張引元

王朗

吳山

龐蕙纒

沈素嘉

徐元端

周蘭秀

武氏

翁孺安

李端卿

卷十二

韓知珩

吳肅

顧若璞

錢氏

郭璠

紀映淮

黃鴻

張紅橋

范妹

錢涓

馬守貞

劉勝

楊炎

薛素素

朱無瑕

王毓貞

白旃香

趙燕

馬如玉

楊宛

王微

鄭妥

陳冉

花夢月

景翩翩

張婉

朔朝霞

王月

寇皚如

崔媽然

頓文

王賽玉

尹春

呼舉

沙宛在

京師妓

蘇世讓

鎖懋堅

王氏

沈靜筠

元妙洞天少女

鄭婉娥

翠微

王秋英

明詞綜卷一

青浦 王 昶 纂

仁宗皇帝一首 宣宗皇帝一首

周憲王一首 劉基九首

張以寧一首 韓守益一首

貝瓊一首 梁寅二首

高啓四首 楊基七首

高明一首 劉冕四首

黃澄一首 程本立一首

姚廣孝一首 解縉一首

王洪一首 胡儼一首

瞿祐一首 謝應芳三首

張有六首

仁宗皇帝

蝶戀花 九月海棠

煙抹霜林秋欲褪 吹破胭脂猶覺西風嫩 一作潤翠

袖怯寒愁一寸誰傳 庭院黃昏信 明月羞 一作修

容生遠恨 旋摘餘嬌 簪滿宮人鬢 醉倚小闌花影近

一作暈不應先有春風分

宣宗皇帝

醉太平 賜學士沈度

濃雲散雨收花苑內鳴鳩曉來喜見日光浮暖融融  
永晝 麥苗潤澤懷清秀榴花濕映紅光溜田家歌  
舞盡歌謳是處慶豐年醉酒

周憲王名有燉定王長子

蘭皋集周憲王遭世隆平奉藩多暇留心  
翰墨製誠齋樂府傳奇若干種流傳內府  
至今中原絃索多用之李夢陽汴中元宵  
絕句云中山孺子倚新妝趙女燕姬總擅  
場齊唱憲王新樂府金梁橋外月如霜

鷓鴣天 賦繡鞋

花簇香鈎淺浣塵輕風微露石榴裙金蓮自是怪三  
寸難載盈盈一段春 僊已去事猶存陽臺何處更  
為雲相思攜手遊春日尚帶年時草露痕

劉

基字伯温青田人元進士入明以佐命功官

至御史中丞封誠意伯正德中追謚文成  
有誠意劉文成公集二十卷詞附

古今詞話青田謁金門云風嫋嫋吹綠一

庭春草轉應曲云秋雨秋雨窗外白楊自

語青門引云相憐自有明月照入肺腑清

如水漁家傲云亂鴉啼破樓頭鼓花犯云  
餘香怨繡被踏莎行云愁如溪水暫時平  
雨聲一夜依然滿渡江雲云定巢新燕子  
睡起雕梁對立整烏衣山鬼謠云離魂常  
在郊樹月深星暗蒼梧遠化作杜鵑歸去  
皆妙麗入神句 王元美云伯温穠纖有  
致去宋尚隔一塵

如夢令

一抹斜陽沙觜幾點閒鷗草際烏榜小漁舟搖過半  
江秋水風起風起擢入白蘋花裏

浣溪沙

細草垂楊村巷幽白沙素石引溪流青苔磯上有扁  
舟 門外好山開罨畫屋頭新月學簾鈎窗風一榻  
似新秋

眼兒媚

煙草萋萋小樓西雲壓鴈聲低兩行疎柳一絲殘照  
數點鴉棲 春山碧樹秋重綠人在武陵溪無情明  
月有情歸夢回到幽閨

少年遊

清風收雨輕雲漏月涼氣入幽窗亂葉吟朝饑蟲啼

明

詞

綜

卷一

一一中華書局聚

夜各自奏新腔 孤鴻又向天邊落歸夢阻蒼江百  
結愁腸兩行衰鬢寂寞對清缸

小重山

月滿江城秋夜長西風吹不斷桂花香碧天如水露  
華涼人難見有淚在羅裳 何許鴈南翔堪憐一片  
影落瀟湘百年身世費思量空回首故國渺蒼茫

臨江仙

街鼓無聲春漏咽不知殘夜如何玉繩歷落耿銀河  
鶻鷲穿暗樹露墜滴寒莎 夢裏相逢還共說五湖  
煙水漁蓑鏡中綠髮漸無多淚如霜後葉撼撼下庭  
柯

千秋歲

淡烟平楚又送王孫去花有淚鶯無語芭蕉心一寸  
楊柳絲千縷今夜雨定應化作相思樹 憶昔歡遊  
處觸目成前古良會知何許百盃桑落酒三疊陽關  
句情未了月明潮上迷津渚

瑞龍吟

秋光好無柰錦帳香消繡幃寒早鉤簾人立西風送  
書過鴈依然又到 故鄉杳空把淚隨江水夢縈江  
草何時賦得歸來倚松對柳開尊醉倒 衰鬢不堪

臨鏡鏡中秋見蓬飛絲繞門外遠山青青長帶斜照  
石泉澗月辜負夜猿嘯傷心處風凋露渚荷枯煙沼  
燕去元蟬老滿天細雨鳴鳥羈鳥花蔓當簷裊庭院靜  
遙聞清砧聲擣擁衾背壁一燈紅小

張以寧

字志道古田人元末官翰林學士承旨明初劾徙南京召爲侍讀學士有翠屏集四

卷

明月生南浦

廣州南漢王劉鋹故宮鐵鑄四柱

猶存周覽嘆息之餘夜泊三江口

夢中作一詞覺而忘之但記二句

云千古興亡多少恨總付潮回去

因櫟括爲此詞

海角亭前秋草路榕葉風清吹散蠻烟霧一笑英雄  
曾割據癡兒卻被潘郎誤寶氣銷沉無覓處蘚暈  
猶殘鐵鑄遺宮柱千古興亡知幾度海門依舊潮來  
去

韓守益

字仲修石首人明初以儒士攝教宜都擢春坊中允有櫟壽稿

蘇武慢

江亭遠眺

地湧岷峨天開巫峽江勢西來百折擊楫中流投鞭

明

詞

綜

卷一

三二中華書局聚

思濟多少昔時豪傑鶴渚沙明鷗灘雪淨小艇鳴榔  
初歇喜憑闌握手危亭偏稱詩心澄徹 還記取王

粲樓前呂岳磯外別樣水光山色煙霞僊館金碧浮  
圖盡屬楚南奇絕紫雲簫待綠醕杯停咫尺良宵明

月擲高歌一曲清詞徧徹馮夷宮闕

貝

瓊字廷臣一字廷琚崇德人洪武初徵修元  
史除國子助教有清江集三十卷

水龍吟 春思

楚天歸鴈千行一書不寄相思苦忽忽過了踏青時  
節更愁風雨燕子黃昏海棠春曉幾番淒楚問誰能  
為寫重重別恨算除有江淹賦 尚記銀屏翠箔抱  
琵琶夜調新譜芳年易度沈腰寬盡白頭如許弱水  
三千武陵一曲重尋何處柰無情杜宇年年此日到  
淮南路

梁

寅字孟敬新喻人洪武初徵修禮書書成以  
疾辭歸結屋石門山有石門集二卷

浣溪沙

錦樹分明上苑花晴光宜日又宜霞碧煙橫處有人  
家 綠似鴨頭松下水白于魚腹柳邊沙一溪雲影

鴈飛斜



高

啟字季迪長洲人隱吳淞江之青邱自號青

邱子洪武初召入纂修元史授編修擢戶

部侍郎有扣舷詞一卷

古今詞話青邱樂府大致以疎曠見長而

石州慢又極纏綿之致

行香子芙蓉

如此紅妝不見春光向菊前蓮後纔芳鴈來時節寒  
浥羅裳正一番風一番雨一番霜 蘭舟不採寂寞  
橫塘強相依暮柳成行湘江路遠吳苑池荒恨月濛  
濛人杳杳水茫茫

沁園春鴈

木落時來花發時歸年又一年記南樓望信夕陽簾  
外西窗驚夢夜雨燈前寫月書斜戰霜陣整橫破瀟  
湘萬里天風吹斷見兩三低去似落箏絃 相呼共  
宿寒烟想只在蘆花淺水邊恨嗚嗚戍角忽催飛起  
悠悠漁火長照愁眠隴塞間關江湖冷落莫戀遺糧  
猶在田須高舉教弋人空慕雲海茫茫

楊

基字孟載嘉州人大父仕江左遂家吳中洪

武初知滎陽縣歷山西按察副使有眉菴

詞

樂府紀聞楊孟載少時見楊廉夫命賦鐵  
笛詩成廉夫喜曰吾意詩境荒矣今當讓  
子一頭地當時有老楊小楊之目眉菴詞  
饒有新致 靜志居詩話孟載詩芳草漸  
于歌館密落花偏向舞筵多細柳已黃千  
萬縷小桃初白兩三花布穀雨晴宜種藥  
葡萄水暖欲生芹雨韻風頗枝外蝶柳遮  
花映樹頭鶯燕子綠蕪三月雨杏花春水  
一羣鵝江浦荷花雙鷺雨驛亭楊柳一蟬  
風一路詩從愁裏得二分春向客中過立  
近晚風迷蛺蝶坐臨秋水映芙蓉羅幕有  
香鶯夢暖綺窗無月雁聲寒眉暈淺顰橫  
曉綠臉消殘纈膩春紅小雨送花青見萼  
輕雷催笋碧抽尖蠶屋柘煙朝焙繭鶻爐  
沉火畫熏茶試填入浣溪沙皆絕妙好辭  
也

清平樂

欺煙困雨拂拂愁千縷曾把腰肢羞舞女贏得輕盈  
如許 猶寒未暖時光將昏漸曉池塘記取春來楊  
柳風流全在輕黃

浣溪沙 花朝

鸞股先尋鬪草釵鳳頭先繡踏青鞵衣裳宮樣不須裁  
軟玉鏤成鸚鵡架泥金鑄就牡丹牌明朝相約  
看花來

夏初臨

瘦綠添肥病紅催老園林昨夜春歸深院東風輕羅  
試著單衣雨餘門掩斜暉看梅梁乳燕初飛荷錢猶  
小芭蕉漸長新竹成圍 何郎粉淡荀令香銷紫鸞  
夢遠青鳥書稀新愁舊恨在他紅藥欄西記得當時  
水晶簾一架薔薇有誰知千山杜鵑無數鶯啼

多麗

問鶯花晚來何事蕭索是東風釀成新雨參差吹滿  
樓閣辟寒金再簪寶髻靈犀鎮重護香幄杏惜生紅  
桃絨淺碧向人憔悴未舒萼念惟有淡黃楊柳搖曳  
映珠箔凭闌久春鴻去盡錦字誰託 柰夢裏清歌  
妙舞覺來偏更情惡聽高樓數聲羌笛管多少梅花  
驚落鴛鴦帶慵寬鳳鞋懶繡新晴誰與共行樂料在楚  
雲湘水深處望黃鶴天涯路計程難定長恁飄泊

燭影搖紅 簾

花影重重亂紋匝地無人卷有誰惆悵立黃昏疎映

宮妝淺只有楊花得見解匆匆尋芳覓便多情長在  
暮雨迴廊夜香庭院 曾記揚州紅樓十里東風軟  
腰肢半露玉娉婷猶恨蓬山遠閑悶如今怎遣看草  
色青青似剪且教高揭放數點春一雙新燕

高 明字則誠瑞安人元至正間官處州錄事洪  
武初召修元史以老病辭歸

鷓鴣天題顧氏景筠堂

綠玉參差傍短楹高堂清夢已冥冥滿枝只帶湘靈  
點一曲空聽秦鳳鳴 天莫問物多情此君瀟灑若  
平生風聲月色來亭榭老淚年來濕幾更

劉 昂字彥章鄱陽人安慶左丞余闕待以國士  
後歸明太祖授中書博士應詔議典籤有

春雨軒詞一卷

浪淘沙 寒食

石徑土牆斜桃李桑麻紙錢飛處亂啼鴉閒趁斜陽  
攜榼去寒食人家 苑樹憶天涯遺恨琵琶銅駝衰  
草臥龍沙漢寢唐陵無麥飯暮雨梨花

滿江紅 寄水北山人徐宗周

水北幽居抱柴門一溪寒玉山萬疊青林當戶白雲  
連谷乳燕落紅春又晚柴桑三徑多松菊喜新晴布

穀又催畊秧分綠 牀頭酒何時熟謀諸婦明朝漉  
謾黃雞炊黍共邀鄰曲舊夢風雲銷俠氣繁華看破  
知榮辱繫扁舟罷釣晚歸來書還讀

木蘭花慢 辛酉九日

寫長空一鴈又景物是重陽甚雨暗東籬數枝青蕊  
未放秋香捲筇倦登高處掩柴門衰柳映橫塘日暮  
江聲袞袞西風鬢影影蒼蒼 當年歌舞翠紅鄉一曲  
杜韋娘會擊碎珊瑚玉人扶醉銀燭成行回頭已成  
九迹早歸來茅屋石田荒謾把清樽遣興都非少日  
疎狂

陳

憶秦娥

溪頭柳青青折贈行人手行人手最傷心處西風重  
陽關一曲長亭酒停鞭欲去仍回首仍回首少  
年離別老來依舊

黃

澄洪武初人

賣花聲

人過天街曉色擔頭紅紫滿筠筐浮花浪蕊畫簾睡  
醒正眼橫秋水聽新腔一回催起 吟紅叫白報得  
蜂兒知未隔東西餘音軟美迎門爭買早斜簪雲髻  
助春嬌粉香簾底

明

詞

綜

卷一

六 中華書局聚

程本立字原道桐鄉人洪武九年以明經薦為周秦二府引禮官至僉都御史有巽隱齋集

清平樂

山翁歸去記得來時路雨漲溪泉人不渡花外鳥啼何處人間不是山中高懷都付絲桐一曲瑤池宴罷春風吹盡殘紅

姚廣孝

字斯道長洲人幼名天僖後為僧名道行以靖難功為僧錄左善世加太子少師復姓賜今名有逃虛集

轉應曲

斜日斜日門外馬蹄聲疾林棲鳥盡飛還霞彩紅銜遠山山遠山遠莫怪行人歸晚

解

縉字大紳吉水人洪武二十一年進士官翰林學士出為廣西參議有春雨齋集十卷

古今詞話成祖於中秋夜開宴賞月月為雲掩命解縉賦之縉遂口占落梅風一調

云嫦娥面今夜圓下雲簾不著羣仙見攬今宵倚闌不去眠看誰過廣寒宮殿成祖

覽之歡甚又賦長歌成祖益喜同縉飲至夜半月復明朗浮雲盡散成祖笑曰卿真

奪天手段也

長相思 寄友

吳山深越山深空谷佳人金玉音有誰知此心  
沈沈漏沈沈閒卻梅花一曲琴高松對竹林  
夜

王

洪字希範仁和人洪武三十年進士永樂初

授吏科給事中入翰林為檢討與修大典  
歷修撰侍講

卜算子 半道春紅

宿雨漲春流曉日紅千樹幾度尋芳載酒來自與春  
風遇 弱水與桃源有路從教去不見西湖柳萬絲  
滿地飛殘絮

胡

儼字若思南昌人洪武三十年會試乙科官

華亭縣教諭累遷國子監祭酒有頤菴集

三臺令

樓上角聲嗚咽天邊斗柄橫斜酒醒風驚簾幙漏殘  
月在梅花

瞿

祐字宗吉錢唐人洪武中以薦歷宜陽訓導

陞周府長史永樂間謫保安洪熙元年放  
還有樂府遺音五卷餘清詞一卷

西湖志餘瞿宗吉風情麗逸著翦燈新話

及樂府歌詞多俚紅倚翠之語爲時傳誦  
及謫戍保安當興安失守邊境蕭條永樂  
己亥降佛曲于塞外選子弟唱之時值元  
宵作望江南五首詞旨凄絕聞者皆爲泣  
下凌彥拙于宗吉爲大父行彥拙作梅詞  
霜天曉角柳詞柳梢青各一百首號梅柳  
爭春宗吉一日盡和之彥拙大驚嘆呼爲  
小友宗吉以此知名後彥拙自南荒歸葬  
西湖宗吉作詩送之云一去西川隔夜臺  
忽看白璧壑蒼苔酒朋詩友凋零盡只有  
存齋冒雨來存齋宗吉自號也

摸魚子蘇堤春曉

望西湖柳煙花霧樓臺非遠非近蘇堤十里籠春曉  
山色空濛難認風漸順忽聽得鳴榔驚起沙鷗陣瑤  
階露潤把繡幕微褰紗窗半啓未審甚時分 凭闌  
處水影初浮日暈遊船未許開盡賣花聲裏香塵起  
羅帳玉人猶困君莫問君不見繁華易覺光陰迅先  
尋芳信怕綠葉成陰紅英結子留作異時恨

謝應芳

字子蘭武進人寓居青浦有龜巢集二十



點絳脣

老眼猶明著書未了餘生債客來休怪淡飯黃蘗菜  
踏雪觀梅清興依然在南門外夜來尋戴扶醉馱

驢背

滿江紅

舊約尋梅蹉跎過小春時節忽隴頭人至一枝先折  
喜見春風顏色好縞衣不受緇塵涅把十年湖海舊  
相知從頭說 三江上滄洲雪千墩下珠林月似許  
詢支遁總皆清絕重看青山攜素手此情方解相思  
結待滿湖冰泮柳風清孤舟發

張

肯字繼孟浚儀人有夢菴詞一卷

買陂塘賦東郭草堂

愛草堂帶村連郭門前碧水千頃秋波冷浸遙山晚  
青鏡淨涵省影沙浦迴怪隔水漁歌鷗夢都驚醒時  
乘小艇向柳外花邊載詩載酒獨盪漫游興 謾重  
省且得身閑心靜樂事自甘瓢飲好懷誰道中年減  
佳趣更多多吟詠 轉徑門正對朝陽不怕梅花冷流  
連暮景冒容我爲鄰相依卜築共爾兩家隱

浪淘沙詠莎灘

雨過碧雲秋占斷灘頭滄浪翻處濕纖柔誰展翠茵

明

詞

綜

卷一

八

中華書局聚

平似剪宿鷺眠鷗 沙尾遠凝眸雨慘烟愁萋萋不  
共水東流幾度漁人來傍宿綠映孤舟

醉落魄 詠苔徑

翠鈿狼藉綠圓點點濃如積芳痕漲雨凝寒碧一片  
濃陰休掃坐來石 徑深不教殘陽入茸茸不似春  
紅色芳塵淨洗無纖迹吟客來時只恐印行屐

如夢令 詠石徑

庭掩塵蹤靜悄雨長苔痕繚繞行處不妨花容我醉  
眠偏好休掃休掃待積落紅多少

聲聲慢

雪晴山鳴月冷江皋歲寒解后相逢攜手歸來輕盈  
一樣春容行行行間鳴環珮暗香霏縹緲東風弄花手  
與安排金屋共貯芳穠 雅淡暗通心素笑桃根桃  
葉冶艷妖紅試問韶華樽前若箇情濃想是喬家姊  
妹可入處清致皆同春正好淡眉山愁減幾重

明詞綜卷二

青浦 王昶 纂

鐵鈇一首

莫璠二首

李禎一首

王直一首

徐有貞一首

趙迪一首

戴璉一首

商輅一首

聶大年三首

王越一首

張寧一首

湯允勳一首

李東陽一首

姚綬一首

沈周一首

桑悅一首

章懋一首

吳寬一首

王整一首

吳洪一首

趙寬一首

楊循吉一首

費宏一首

蔣冕一首

王鴻儒二首

夏鍈二首

史鑑一首

張旭一首

祝允明一首

李夢陽一首

顧潛四首

朱諫一首

王九思一首

邊貢二首

顧璘二首

唐寅一首

周 用二首

陳 霆二首

王廷相一首

鐵

鉉

字鼎石鄧縣人洪武中由國子生授禮科給事中歷官兵部尚書死靖難之變

浣溪沙

晚出閒庭看海棠風流學得內家妝小釵橫戴一枝芳  
削玉梳斜雲鬢膩鏤金衣透雪肌香暗思何事  
立斜陽

莫

璠字仲璵錢塘人

蝶戀花 蘇堤春曉

十里樓臺花霧繞宜雨宜晴山色籠春曉楊柳梢頭  
殘月小海棠枝上猶啼鳥 蘭帳玉人初睡覺試問  
樓前畫舫開多少報道尋芳人起早紫駱嘶過香塵  
道

又 麴院荷風

五月涼風來麴院綠水芙蓉渠紅白都開徧風遞荷香  
情不斷採蓮舟過歌聲緩 醉折碧筒供笑玩翠蓋  
紅綃高下翻零亂向晚新涼生酒面六銖衣薄停紈  
扇

李

積字昌祺廬陵人永樂二年進士官河南左

柳梢青題秋塘圖

落盡芙蓉收殘菱芡晚色淒迷斷荇隨流枯荷折柄  
秋滿蘇堤沙禽自在幽棲極浦外天連水低粉墜  
蓮房波漂菰米烟暝湖西

王直字行儉泰和人永樂二年進士歷官吏部

尚書卒贈太保謚文端有抑菴集

浪淘沙

風暖翠烟飄殘雪都消遊絲百尺墮晴霄可惜春光  
容易過又近花朝驅馬第三橋芳意蕭條竹林渾  
未放天桃瘦盡城南千樹柳不似宮腰

徐有貞初名理字元玉吳縣人宣德八年進士歷

官華蓋殿大學士封武功伯謫戍雲南有

武功徐先生集

千秋歲引

風攬柳絲雨揉花纈蚤過了清明時節新來燕子語  
何多老去鶯花飛未歇秋千院蹴鞠場人蹤絕踏  
青拾翠都休說是誰馬走章臺雪是誰簫弄秦樓月  
從前已是無情緒可奈而今更離別一回頭人千里

陽百結

趙迪字景哲懷安人宣德十年舉人官南海縣

知縣有鳴秋集

踏莎行送友人還山中

逕轉清溪花飛紅雨武陵風景知何處當年厭聽水  
聲寒豈知忘却來時路水遶人家烟迷津樹晚峯  
江上青無數幽人此別更多情移家歸向山中住

戴璉字汝器南海人正統三年舉人官訓導

滿庭芳

竹隱寒煙菊凝晚露空階霜月微明小窗寂靜四壁  
響蟲聲風細金爐香裊穿花影數點飛螢良夜永悶  
無情緒獨坐對長檠玉人音信斷巫山雲鎖洛浦  
煙橫奈魚沉雁杳誰訴衷情新酒難降舊恨佳期誤  
檐鵲無憑愁人處更闌酒醒孤枕夢難成

商輅字宏載淳安人正統十年進士自鄉會試

至殿試皆第一歷官吏部尚書謹身殿大

學士謚文毅有素菴集六卷詞附

古今詞話商毅菴負鼎鉉重望而小詞明

淨簡鍊亦復沾沾自喜今讀其旅情春暮

秋月退食諸篇不墮時趨自有殊致其一

叢花咏初春云東風有信無人見露微意

柳際花邊尤覺妥帖輕圓也

一叢花 初春

今年春淺臘侵年冰雪破春妍東風有信無人見露  
微意柳際花邊寒夜縱長孤衾易煖鐘鼓漸清圓  
朝來初日半銜山樓閣淡疎烟遊人便作尋芳計小  
桃杏應已爭先衰病少情疎慵自放唯愛日高眠  
聶大年字壽卿臨川人正統間官仁和縣教諭景

泰初徵入翰林

堯山堂外紀云東軒集有玉樓人醉東風  
曉高卷紅簾看杏花真詞筆也

卜算子

楊柳小蠻腰慣逐東風舞學得琵琶出教坊不是商  
人婦 忙整玉搔頭春笋纖纖露老却江南杜牧之  
嬾為秋娘賦

又

粉淚濕鮫綃只恐郎情薄夢到巫山第幾重酒醒燈  
花落 數日尚春寒未把羅衣著眉黛含顰為阿誰  
但悔從前錯

臨江仙 半道春紅

記得武林門外路雨餘芳草蒙茸杏花深巷酒旗風

珍做宋版印

紫駟嘶過處隨意數殘紅  
有約玉人同載酒夕陽  
歸路西東舞裙歌扇繡簾櫳  
昔游成一夢試問賣花翁

王 越字世昌濬縣人景泰二年進士歷官兵部

尚書封威寧伯卒贈太傅謚襄敏有雲山老嬾集四卷詞附

浪淘沙

遠水接天浮渺渺扁舟去時花雨送春愁  
今日歸來黃葉鬧又是深秋  
聚散兩悠悠白了人頭片帆飛影下  
中流載得古今多少恨都付沙鷗

張 寧字靜之海鹽人景泰五年進士官禮科給事中

滿江紅 題碧梧翠竹送李陽春

一曲清商人別後故園幾度想翠竹碧梧風采舊遊  
何處三徑西風秋共老滿庭疎雨春都過看蒼苔白石  
易黃昏愁無數 嶧山畔淇泉路空回首佳期誤  
歎舞鸞鳴鳳歸來遲暮冷淡還如西礪草淒迷番作  
江東樹且留他素管候冰絲重相和

湯允勳字公讓鳳陽人東甌襄武王曾孫歷官延

綬參將有東谷集



浣溪沙

燕壘雛空日正長  
一川殘雨映斜陽  
鷓鴣晒翅滿魚梁  
榴葉擁花當北戶  
竹根抽笋出東牆  
小庭孤坐  
懶衣裳

李東陽字賓之茶陵人天順八年進士歷官吏部

尚書華蓋殿大學士謚文正有懷麓堂集

雨中花 題畫

正愛月來雲破那更柳眠花  
臥簾幙風微秋千人靜  
酒盡春無那  
迢遞高樓孤寂坐  
縹渺笛聲飛墮恨  
曲短宵長院深牆迥憑仗風吹過

姚綬字公綬嘉善人天順八年進士官監察御

史有數菴集

玉樓春 春日

東風寒悄人何處  
百里幽閑猶未遇  
看春不覺又清明  
檻外梨花開幾樹  
相思心逐東流去  
老天肯把韶光駐  
陌頭楊柳正青青  
莫教容易飛花絮

沈周字啓南長洲人舉賢良不赴工詩畫有石

田集八卷

鷓鴣天 柳

慣得輕柔綺陌中  
幾枝斜映驛亭紅  
微煙啞雀金猶

懶細雨藏鴉綠未濃 攀傍岸折隨風管人離別思

無窮開花更是無聊賴一片西飛一片東

桑

悅字民懌常熟人成化元年舉人官柳州通

判有思元集十六卷

虞美人春曉憶長沙作

細雨梨花春夢破梁燕將愁訴薄陰小閣日曛曛寶

篆輕烟一縷裊東風 星沙舊占遊歌處清景難留

住王孫芳草最多情萬里和煙隨我到邊城

吳

寬字原博長洲人成化八年賜進士第一入

翰林歷官禮部尚書卒贈太子太保謚文

定有匏菴集

者舊續聞吳匏菴詞有繁花落盡留紅藥

新笋叢生帶綠苔名句也時有趙寬字栗

夫為匏菴所取士詞名半江集匏菴嘗曰

不遇吳寬爭得趙寬

採桑子

纖雲盡卷天如水蘆荻風殘松竹霜寒更看前溪月

滿山 畫船紅映金尊酒子夜歌闌緩吹輕彈得意

人生且盡歡

王

整字濟之吳縣人成化十一年進士歷官戶

部尚書武英殿大學士謚文恪有文恪公  
集三十六卷詞附

阮郎歸

行年六十鬢爛熳皇恩特放還高堂設席對青山秋  
來正未閒 陰忽霽暑初殘笙歌夜未闌傍人莫笑  
老嗤頑人生到此難

吳

洪字禹疇吳江人成化十一年進士歷官刑

部尚書

早梅芳

柳將眠桃欲笑又是清明到玉河冰泮無數金魚弄  
池藻聯車油壁軟並馬絲鞭裊喜鳳城麗景游覽趁  
春曉 望瀛洲紛翠葆花滿瓊華島玉螭西去金碧  
觚稜聳雲表散衙常過午下直須歸早更相期提壺  
同藉草

趙

寬字栗夫吳江人成化十七年進士歷官刑

部郎中出為廣東按察使有半江集

減字木蘭花姚江阻雨

寒風吹水微波皺作魚鱗起白雨橫秋秋色蕭條動  
客舟 疎鐘何處知在前村黃葉樹茅屋誰家荒徑  
無人菊自花

明

詞

綜

卷二

五

中華書局聚

楊循吉

字君謙吳縣人成化二十年進士官禮部主事有南峯逸藁

洞仙歌題酒家壁

吳郊春滿綠草熏南陌風弄輕帘小橋側瞰荒垣濃  
麗幾樹夭桃彷彿似薄醉西施顏色 醞香飄十里  
更着流鶯亂擲金梭向林織天宇淨繁芳日暖蜂遊  
早攔住高陽狂客便典却羅衫又何妨算容易飛花  
韶光難得

費

宏字子充鉛山人成化二十三年賜進士第

一歷官華蓋殿大學士卒贈太保謚文憲有費文憲公集七卷

西江月舟中夜行獨坐無酒撫卷作

霜月高懸碧漢畫船自泛寒江銀燈獨對夜何長窗  
外浮光蕩漾 可怪麴生疎闊閒來冷落瓊觴思量  
無計助清狂且與青編相向

蔣

冕字敬之全州人成化二十三年進士歷官

戶部尚書謹身殿大學士卒贈少師謚文

定有湘皋集二十二卷

呂調陽云湘皋樂府若碧水芙蓉不假雕

飾而天巧自在

卜算子

斜日墜荒山雲黑天垂暮時見空中一雁來冷入殘  
蘆去驚起却低飛有意同誰語啄盡枝頭數點霜  
還向空中舉

王鴻儒字懋學南陽人成化二十三年進士歷官

南京戶部尚書謚文莊有疑齋集十一卷

踏莎行賞菊

燕子初歸芙蓉乍老蒼苔院落桐陰小一簾疎雨晚  
來晴繁香不斷寒花裊著譜人非餐英事杳風流  
未必今時少且須痛飲讀離騷靈修豈肯捐芳草

轉應曲

金井金井梧葉銀床露冷千門萬戶砧聲北斗城頭  
月明明月明月偏照旅人華髮

夏鍤字德樹天台人成化二十三年進士歷官

大理評事

阮郎歸

賭酒明湖未放船時節欲開蓮壁後茶鎗幾點烟聽  
雨小窗眠雲解凍水平田蛙聲又一年晚晴花草  
落愁邊呼童問酒錢

臨江仙

榴葉竹屏閒處好香街雨夢無緣聽人說著指瓊鞭  
玉樓嗔短舞書枕愜高眠 幾夜晚眠還早起城中  
一半風烟畫橋架水綠陰連柳眉傷老大鶯口弄清  
圓

史 鑑字明古吳江人有西村集八卷詞附

浣溪沙 夏夕賞蓮

水面風來晚更宜酒香荷氣水沉微誰家長笛倚樓  
吹 五月梅花今夜落千門梧葉未秋飛不知零落  
濕人衣

又

曲水流通濯錦紅新門移轉納香風畫舟時傍彩雲  
中 半夜月明歌楚調雙蓮波冷泣吳宮鴛鴦驚散  
各西東

望江南 閩尚温招飲湖中

船櫳處恰是藕花洲別處歌聲剛得借去時春色那  
堪留花落水空流 天漸晚臨去更回頭山翠遠如  
眉黛曉湖光疑似眼波秋越女不勝愁

臨江仙 贈余浩

秋水芙蓉江上飲憐渠無限風流紅牙低按小梁州  
澹雲拖急雨依約見江樓 最是采蓮人似玉相逢

並著蓮舟唱歌歸去水悠悠清砧孤館夜明月太湖秋

解連環送別

銷魂時候正落花成陣可人分手縱臨別重訂佳期  
恐軟語無憑盛歡難又雨外春山會人意與眉交皺  
望行舟漸隱恨殺當年手栽楊柳別離事人生常  
有底何須爲著成個消瘦但若是兩情長便海角天  
涯等是相守潮水西流肯寄我鯉魚雙否倘明年來  
遊燈市爲儂沽酒

張

旭字廷曙休寧人成化二十年舉人有梅巖  
小稿

點絳脣

卜盡金錢閑愁暗逐游思起雲鬆螺髻眉減春山翠  
試捲珠簾風香生袂涼如水惜花心碎忍把闌干  
倚

祝允明

字希哲長洲人宏治五年舉人官應天府  
通判有懷里堂集三十卷

蝶戀花贈妓

鬧蝶窺春花性淺未了妝梳小顰脣朱點玉絮吹寒  
飛力軟深深繡戶珠簾掩廝放臨時仍泥戀一把

明

詞

綜

卷二

風情錯認徐娘減略綽暈香紅半片闌干回首東風遠

李夢陽

字獻吉慶陽人徙大梁宏治六年進士官江西提學副使

如夢令

昨夜洞房春暖燭盡琵琶聲緩閒步倚闌干人在天涯近遠影轉影轉月壓海棠枝軟

顧

潛字孔昭崑山人宏治九年進士官御史有靜觀堂集十三卷詞附

醉春風

紫燕歸來兩雲蹤無處訪桃花開後海棠開想想落日城邊斷霞樓角綠波蘭棹錦瑟榮塵網香篆消羅幌更闌酒醒夢難成響響響芳樹敲風空塔滴雨倍添愁悵

洞仙歌

自壽

婁江一碧動鱸魚佳興浩蕩鷗波放烟艇過溪橋十里香稻垂花秋未晚遠渚芙蓉萬柄野翁能愛我酌酒烹雞何處漁歌更堪聽醉起試推篷驟雨初收斜陽外山光雲影願百歲逍遙灑西東任華髮星星換來青鏡



憶秦娥

眉山蹙多愁慵整搔頭玉搔頭玉覲他雙鳳暗憐孤  
獨 盪閨城外春波綠蘭舟載酒歡難續歡難續郎  
歸何日金錢偷卜

朱

諫字君佐永嘉人宏治九年進士官吉安府

知府

梁州令謝公嶺

着屐登山客歷盡雲霞天壁屐痕猶在白雲中峯迴  
路轉千古無人識 春來秋去成塵跡一代風流歇  
斜陽影落溪外長松幾樹連天碧

王九思

字敬夫鄆縣人宏治九年進士官吏部郎

中有漢陂集續集十九卷

蝶戀花

夏日

門外長槐窗外竹槐竹陰森遶屋重重綠人在綠陰  
深處宿午風枕簟涼如沐 樹底轆轤聲斷續短夢  
驚回石鼎茶方熟笑對碧山歌一曲紅塵不到人間  
屋

邊

貢字廷實歷城人宏治九年進士官南京

戶部尚書有華泉集八卷

踏莎行

明

詞綜

卷二

八中華書局聚

露濕春莎草生芳甸漁舟迤邐依山轉斜陽明滅照  
村墟綠槐深護幽人院 小柵鳴雞古梁巢燕柴門  
不鎖蓬蒿徧問渠莫是武陵源一溪流水桃花亂

蝶戀花 留別吳白樓

亭外潮生人欲去為怕秋聲不近芭蕉樹芳草碧雲  
凝望處何時重話巴山雨 三板輕船頻喚渡秋水  
疎楊欲折絲千縷白雁橫天江館暮醉中愁見吳山  
路

顧

璘字華玉吳縣人宏治九年進士歷官湖廣

巡撫加刑部尚書有憑几集浮湘藁息園

集

柳塘詞話云東橋詞有承平氣象

摸魚兒 十二月十四日自衡入永

遠山低半留殘雪望中清景殊絕寒雲漸逐西風散  
村落午烟搖曳行路客被簿領沉迷又度隆寒節陽  
回歲歇是何日春來早梅花萼看透幾分白 憶江  
左多少關河分隔異鄉空望明月衡陽飛雁都回矣  
欲寄音書那得情似結更斷酒拋詩幽恨憑誰說鬢  
霜鬢雪拚老去年華禾畦麥壟覓取舊生業

臨江仙 雨中東譚子羽

抱病登樓無意緒滿城寒雨濛濛一樽何日與君同  
卷簾芳草碧呼酒夕陽紅堪恨賞心都不偶依然  
枉却東風扁舟歸興莫匆匆江梅花自落別有海棠  
叢

唐

寅字子畏吳縣人宏治十一年南京鄉試第  
一坐事被斥有六如詞一卷

一翦梅

雨打梨花深閉門忘了青春誤了青春賞心樂事共  
誰論花下銷魂月下銷魂愁聚眉峯盡日顰千點  
啼痕萬點啼痕曉看天色暮看雲行也思君坐也思  
君

周

用字行之吳江人宏治十五年進士歷官吏  
部尚書謚恭肅有白川集十六卷

訴衷情

人間何處有丹丘曾到太湖頭日高主人猶臥花影  
滿重樓尋畫史接詩流老滄洲一村烟樹數家茅  
屋幾箇漁舟

滿路花

風前滿地花雨後連天草今年三月裏春歸早低雲  
薄霧猶自憐清曉金尊須臾到無奈離愁爲他轉傷

明

詞

綜

卷二

九

中華書局聚

懷抱 繡簾斜捲畫靜聞啼鳥韶華剛九十勾銷了  
綠波無賴點點青荷小寄語春知道桃李多情莫教  
惜春人老

陳

雲字聲伯德清人宏治十五年進士官山西  
提學僉事有水南藁十九卷

踏莎行 晚景

流水孤村荒城古道槎牙老木烏鳶噪夕陽倒影射  
疎林江邊一帶芙蓉老 風暝寒烟天低衰草登樓  
望極羣峯小欲將歸信問行人青山盡處行人少

清平樂 遊西湖用王介甫韻

香車隘住笑揭紅蓮語淺蹴芳塵羅韞汗堤上未乾  
花雨 畫船載得琵琶醉中情思無涯不管湖烟湖  
水東風取次飛花

王廷相

字子衡儀封人宏治十五年進士歷官兵  
部尚書加太子太保謚肅敏有家藏集

桂枝香

朝霞飛散正微借清霜林外烘染搖落年華宋玉又  
生幽怨小樓悄悄闌干倚最浮雲不堪情戀玉書難  
寄海天空闕夢迷人遠 歎雙鬢年來較短算病旅  
中秋不禁登翫只見青山誰見古時人面鄉心渺渺

隨流水更不待商歌魂斷新愁頓起半牕暝雨一聲歸雁

明詞綜卷二

珍做宋版印

張氏卷二

青浦王王不昶纂

陸深一首

王韋一首

韓邦奇四首

丁奉一首

吳山一首

楊慎十一首

齊之鸞一首

盧雍一首

張紵二首

桂華一首

李濂一首

崔桐一首

趙金一首

夏言三首

文徵明六首

陳鐸二首

謝承舉一首

陸楫一首

徐階一首

盧襄一首

陸邦一首

楊儀二首

呂希周一首

王慎中一首

吳子孝四首

陳如綸三首

薛廷寵一首

閔如霖一首

駱文盛一首

許穀一首

蔡宗堯一首

陸

深字子淵上海人宏治十八年進士歷官詹

事府詹事贈禮部侍郎諡文裕有河汾燕

風入松

綠窗午枕睡初酣  
夢喜脫朝簪  
覺來猶是長安客  
垂楊裏空繫歸驂  
戀主心依曉闕  
思親淚濕春衫  
玉河流水碧于藍  
花外燕呢喃  
新詞譜就憑誰和  
重封罷親自題緘  
欲待天邊鴻鴈  
秋風寄與江南

王 韋字欽佩上元人宏治十八年進士官太僕

少卿

玉漏遲元宵奉陳靜齋憲長

今宵春正好  
卷簾無那客  
中情緒連日眉梢  
暫放片時還聚薄宦  
辭家幾許  
歎骨肉水萍風絮  
留不住  
紛紛客淚兩行如樹  
緬想此日家園  
正兒女團欒  
燒燈時序  
明月依人  
空照一樽清醕  
深謝東君  
懽我喜投贈玉堂佳句  
高唱處乳鴉亂翻  
庭樹

韓邦奇字汝節朝邑人正德三年進士歷官南京

兵部尚書諡恭簡有苑洛集二十二卷詞

附

西江月春思

殘雪已消往事東風又報  
春愁珠簾不捲玉香鉤  
庭院遲遲清晝  
細雨繁花上院  
輕烟碧草汀洲  
一聲



啼鳥水東流春在小橋楊柳

臨江仙三月三十日

芍藥牡丹開已罷明朝不是春光鶯兒撩亂送斜陽  
繁華應不盡蜂蝶且休忙 幾架薔薇依碧檻新荷

更滿芳塘水晶簾外細飄香推枰聽玉樹移座倒金

觴

謁金門

珠簾捲樓外春愁無限雨過茶蘼春色減落紅驚滿  
院 枝上燕慵鶯懶誰與韶光爲伴煙柳絲絲迷望  
眼闌干空倚徧

風入松

畫樓簾捲篆烟微暖雨霏霏雲山極目家千里問天  
涯何日歸期寂寞庚愁似海飄蕭潘鬢成絲 鶯兒  
壓折海棠枝飛上薔薇深紅淺綠應無數逐東風滿  
院芬菲最是惜花心切只憂花落春歸

丁

奉字獻之常熟人正德三年進士官吏部驗

封司郎中有南湖留稿八卷

眼兒媚 過華湖

蘆葦蕭蕭奏輕颺烟雨隔南洲小航冒冷孤帆披濕  
一路吟謳 閒人儼似天隨子幽興五湖秋相知只

在渡頭漁叟沙嘴眠鷗

吳山字靜之吳江人正德三年進士歷官河南

四川巡撫入為刑部尚書諡忠襄

清平樂

秋光如許雁字排空去十二闌干凝眺處簾捲西山  
暮雨白沙翠竹柴門落霞孤鷺江村况是亭皋葉

下蕭蕭最愴吟魂

楊

慎字用修新都人正德六年賜進士第一授

修撰嘉靖甲申兩上議大禮疏廷杖謫戍

雲南永昌衛卒于戍所有升庵詞二卷

樂府紀聞用修所著書百餘種號為博洽

金華胡應麟嫌其熟于稗史不嫌于正史

作筆叢以駁之然楊所輯百琲真珠詞林

萬選王弇州亦謂之詞家功臣也因議禮

謫戍永昌暇時紅粉傅面作雙丫髻插花

令諸妓扶觴遊行了不為愧詩有羅衣香

未歇猶是漢宮恩句詞亦華美流利

轉應曲

雙燕雙燕金屋往來長見珠簾半捲風斜何處銜來  
落花花落花落日暮長門寂寞

又  
促織促織聲近銀牀轉急熏殘百合衣香消息蘭膏  
夜長長夜長夜露冷芙蓉花謝

又  
銀燭銀燭錦帳羅幃影獨離人無語消魂細雨斜風  
掩門門掩門掩數盡寒城漏點

烏夜啼梅雨

雨來江漲波渾沒沙痕淹過竹橋莎徑到柴門 孤  
烟起千樹裏幾家邨牛背一聲長笛報黃昏

昭君怨

樓外東風到早染得柳條黃了低拂玉闌干怯春寒  
正是困人時候午睡濃於中酒好夢是誰驚一聲  
鶯

少年遊

紅稠綠暗徧天涯春色在誰家花謝人稀柳濃鶯嬾  
烟景屬蜂衙 日長睡起無情思簾外夕陽斜帶眼  
頻移琴心慵理多病負年華

浪淘沙

春夢似楊花繞遍天涯黃鸝啼過綠窗紗驚散香雲  
飛不去篆縷烟斜 油壁小香車水渺雲賒青樓珠

落那人家舊日羅巾今日淚濕盡韶華

江月晃重山

臘尾金杯灑灑春頭綵勝翩翩裁紅暈碧動嫣然風日好偷眼豔陽天一曲玉簫明月幾絃錦瑟華年故鄉迢遞水雲連歸未得思發在花前

雨中花

一擗纖腰清瘦六幅輕紗紅皺粉熟香生態濃妝淺正是愁時候蕭蕭風雨黃昏後雲濕仙衣寒透簾悄窗閒燈昏酒冷聽盡蓮花漏

滿江紅梨花

露重風香韶華淺玉林無葉誰剪碎遍地瓊瑤滿園蝴蝶嬌淚一枝春帶雨粉英千片光凝雪伴鞦韆影裏月明中傷離別花在手腸如結人對酒情難說憶故園遊賞清明時節今日相逢滇海上驚看爛熳開正月更收燈庭院峭寒天啼鶻歇

水調歌頭

春宵微雨後香逕牡丹時雕闌十二金刀誰剪兩三枝六曲翠屏深掩一架銀箏緩送且醉碧霞后輕寒香霧重酒暈上來遲席上歡天涯恨雨中姿向人如訴飄泊粉淚半低垂九十春光堪惜萬種心情難

寫彩筆寄相思曉看紅濕處千里夢佳期

齊之鸞字瑞卿桐城人正德六年進士官河南按

察使

### 小重山

清角悲笳響遏雲平催涼月上白紛紛塞垣砧杵小城聞心鐵石誰解歎離羣銀燭水沈熏引杯嫌獨醉但微醺參辰何事各天分彈鋏起台斗氣氤氳

盧

雍字師邵吳縣人正德六年進士官監察御

史有古園集

### 蝶戀花

徐州晚泊

野樹煙生斜日墮千里帆檣又向黃昏過自據胡牀船上坐東山月出浮雲破細細波流聲繞舵風葦蕭蕭兩岸明漁火吹罷洞庭歌楚些坡仙恍惚相逢我

張

縉字世文高郵人正德八年舉入官武昌通

判遷知光州有詩餘圖譜竝南湖集四卷

古今詞話維揚張世文著詩餘圖譜絕不似嘯餘譜辨詞體之外錯而為之規矩真填詞家功臣也其所製蝶戀花風流子數

闕風流蘊藉更足振起一時

蝶戀花

紫燕雙飛深院靜  
簾枕紗廚睡起嬌如病  
一綫碧烟  
縈藻井小鬟茶進龍香餅  
拂拭菱花看寶鏡  
玉指纖纖  
撚唾撩雲鬢  
閒折海榴過翠徑  
雪貓戲撲風花影

風流子

新陽上簾幌  
東風轉又是一年華  
正駝褐寒侵燕釵  
春裊句翻詞客  
簪鬪宮娃  
堪娛處  
林鶯啼煖樹  
渚鴨睡晴沙  
繡閣輕烟翦燈時候  
青旌殘雪賣酒人家  
此時因重省  
瑤臺畔  
曾遇翠蓋香車  
惆悵塵緣猶在  
密約還賒  
念鱗鴻不見  
誰傳芳信  
瀟湘人遠  
空採蘋花  
無奈疎梅風景  
碧草天涯

桂 華字子樸安仁人正德八年舉人有古山集

菩薩蠻 荅何用明

帝城三月鶯花繞  
笙歌沸徹千家曉  
半壁夕陽明  
醉眠人未醒  
城頭鳴畫角  
驚起南飛鵲  
回首上林枝  
行人腸斷時

李 濂字川父祥符人正德九年進士官山西按察使僉事有嵩渚集

柳梢青 修武道中

爛漫春遊人生行樂山水夷猶昨夜河陽今朝修武  
明日懷州平生雅興難酬信轡去東風紫騮問酒  
花村題詩松寺飛夢蓬邱

崔

桐字來鳳海門人正德十二年進士歷官南

京禮部右侍郎有東洲集

風入松 閑居

亭臺簾幙鏤重重韶景又東風竹牀習懶閑春夢喚  
鶯聲醒眼猶慵短髮烏巾斜裏尋幽日傍花叢碧  
流橋外小桃紅徙倚畫欄東銀鱗玉笋新來美好情  
懷盡付杯中莫笑海翁醉也醉時百感成空

趙

金字淮獻烏程人布衣正德中詔徵不赴有

浮休集

謁金門

湖天渺一片水雲沙鳥俯景茫茫空懊惱孤吟秋色  
老自愛琅玕芝草茅屋碧山環繞高臥長松心盡  
了年來機事少

夏

言字公謹貴溪人正德十二年進士歷官吏

部尚書華蓋殿大學士諡文愍有桂洲近

體樂府六卷鷗園新曲一卷

湧幢小品夏言以議禮驟貴世廟因正月

降雪命言等作時玉賦石塘曾銑夏之內  
戚作漁家傲詞互相賡唱遂起河套之議  
故黃泰泉有千不買陳平計蓋譏之也  
藝苑卮言我朝以詞名家者伯溫穠纖有  
致去宋尚隔一塵用修好入六朝麗事似  
近而遠公謹最號雄爽比之稼軒覺少精  
思 錢氏云公謹喜為長短句當其得君  
專政聲勢烜赫長篇小令草藁未削已流  
布都下互相傳唱歿後未百年黯然無聞  
花閒草堂之集無有及桂洲氏名者求如  
前代所謂曲子相公亦不可得一慨也

鶴冲天初夏

臨水閣倚風軒細雨熟梅天一池新水碧荷圓榴花  
紅欲燃 薄羅裳輕紈扇睡起綠陰滿院曲闌斜轉  
正閒凭何處玉簫聲

阮郎歸

小樓臨苑對青山朱門草色閑隔花時有珮珊珊鞦韆  
楊柳閒 新綠暗亂紅殘慵妝低翠鬢日長春困  
減芳顏無人獨倚闌

浣溪沙 春暮



庭院沈沈白日斜綠陰滿地又飛花岑岑春夢繞天涯  
簾幕受風低乳燕池塘過雨急鳴蛙酒醒明月  
照牕紗

文徵明

初名璧以字行更字徵仲長洲人以歲貢入京授待詔有蒲田集

太平清話衡山極熟勝國遺事能口述其故實里居性介潔太宰喬白巖司空林見素爲延譽於朝授翰林待詔卽乞歸往來姚山遼浦小詞散布隸書尤工

卜算子

酒醒夜堂涼雨過湘簾捲時見流螢度短牆乍近依然遠欲睡更遲徊徙倚闌干徧不覺西樓闕月斜寂寞桐陰轉

南鄉子

香爇透春肌滿眼新嬌睡起遲燕子不來三月盡依依手撚殘花玉一枝風裊鬢雲垂無限閒愁隱翠眉好夢不成春自去相思只有青團扇子知

風入松

近來無奈病淹留十日廢梳頭避風簾幙何曾捲條然處古鼎香浮興至閒書棊几困來時覆茶甌新

賦

詞

綜

卷二

六

中華書局聚

涼如水簟紋流六月類清秋手拋團扇拈書冊無情  
緒欲展還休最是詩成酒醒月明時度南樓

又簡湯子重湯居碧鳳坊

西齋睡起雨濛濛雙燕語簾櫳平生行樂都成夢難  
忘處碧鳳坊中酒散風生棋局詩成月在梧桐近  
來多病不相逢高興若爲同清樽白苧交新夏應辜  
負綠樹陰濃憑仗柴門莫掩興來擬扣牆東

又行春橋望月

夜涼斜倚赤闌橋天遠碧烟消酒醒忽見花閒影輕  
雲散月在林梢野火青山隱隱漁歌綠水迢迢當  
年曾此醉清宵共艤木蘭橈白頭重踏行春路同遊  
伴半已難招夜靜單衫露冷玉人何處吹簫

滿江紅

漠漠輕陰正梅子弄黃時節最惱是欲晴還雨乍寒  
又熱燕子梨花都過也小樓無那傷春別傍闌干欲  
語更沈吟終難說一點點楊花雪一片片榆錢莢  
漸西垣日隱晚涼清絕池面盈盈清淺水柳梢淡淡  
黃昏月是何人吹徹玉參差情淒切

陳

鐸字大聲下邳人徙南京官指揮使

錢氏云大聲以樂府名于世所爲散套穩

協流麗被之管弦能審宮節羽不差毫末

浣溪沙

波映橫塘柳映橋冷烟疎雨暗亭皋春城風景勝江  
郊花藥暗隨蜂作蜜溪雲還伴鶴歸巢草堂新竹  
兩三梢

謝承舉字子象上元人

卜算子題凭几圖

病影有燈知心事無人問上苑春光過二分應少同  
遊分畫障且相隈曲几聊孤隱窗外紅梅開已齊  
似識香閨悶

陸楫字思豫上海人有兼葭堂集

望海潮送顧漱玉入雍

江帆飛雨汀莎沒雁玉人方上皇州酒泛霞觴潮生  
煙浦那堪淚灑蘋洲雲樹兩悠悠蓬窗迷岸草一任  
夷猶羨爾詞源倒傾三峽楚天秋清時肯臥林邱  
看詩題杏苑名徹宸旒朔月關心燕風撲面誰云悔  
覓封侯壯志奮吳鉤故園芳草合魚鳥含愁何日京  
塵夜酤清醕瀉牀頭

徐階字子升由青浦徙居華亭嘉靖二年進士

歷官吏部尚書建極殿大學士諡文貞有

阮郎歸

一春歸思羨冥鴻青山在眼中無端秋色又丹楓滄  
洲路未通搔白首望長空徘徊意萬重持杯看爾  
去匆匆心隨江水東

盧

襄

字御陳吳縣人嘉靖二年進士官兵部郎

中有五塢山房藁

蝶戀花 徐州晚泊用師邵韻

城上危樓驚欲墮北櫂南檣日日城邊過猶記昔年  
樓上坐樓前景物多題破今日長年催換舵萬井  
蕭條落日稀烟火坡老不歸招楚些雲山隔水如留  
我

陸

邨

字秀卿嘉善人嘉靖五年進士歷官河南

巡撫

臨江仙

病後衣裳慵對客鏡中雙鬢鬢青山何處著茅庵  
向來經濟意都只是空談世事悠悠那復論三杯  
且放微酣小窗過午睡還貪無端春夢繞猶自在江  
南

楊

儀

字夢羽常熟人嘉靖五年進士官山東按

察使

惜分飛 和陳霞樓韻

月戶花堦凡幾度盡把芳尊囑付轉眼濃華故鸞膠  
總被秦娘誤 榆莢楊花曾入賦也解漫天飛舞夢  
覺西堂午琵琶聲斷聞鸚鵡

桃源憶故人 訪周汝寺

單衣曉怯東風冷忽過湖波千頃山色倒侵溪影一  
路隨孤艇 美人室遠飛雲迥遙憶小堂春永睡起  
碧紗人靜隔竹敲新茗

呂希周 字師旦崇德人嘉靖五年進士官通政司

使

重疊金惜別

粉痕未褪梅妝雪驂鸞忽度梨花月燈影小紅樓角  
聲起暮愁 孤篷憐倦客繡被餘香歇料倚枕鴛單  
屏風六曲山

王慎中 字道思晉江人嘉靖五年進士官河南參

政

點絳脣 光澤寺

門掩青山空庭竹影門長埽一溪斜繞水氣香花草  
木石幽殊禽鳥傳昏曉誰知道白雲鎖了恰有人

明

詞

綜

卷三

八中華書局聚

尋到

吳子孝字純叔長洲人嘉靖八年進士官湖南參

議有明珠集詞一卷

點絳脣二月八日夜汎射瀆歸作

花信風輕爲花日日芳遊早曲溪繚繞歸棹情多少  
月映清波良夜春寒悄長空皎歌聲縹緲醉裏愁  
如掃

訴衷情嘉靖癸丑甲寅東南倭亂

韶光都過亂離中登眺覺心慵青山城外望斷愁絕  
黛痕濃 閒把酒倚樓東小梅紅館娃烟草香徑風  
蘭長記遊踪

清平樂

韶光易變涼露霏如霰翠卷香消憔悴遍一夜池塘  
秋晚 蘆枯葦折波中鳧棲雁宿芳叢盡日倚闌如  
畫白蘋紅蓼西風

風流子登虎邱致爽閣

雨痕消已盡長空靜皎日映江流看寒草都腓衰林  
漸薄翠荷遍沼黃橘連洲新晴好抱琴遵竹浦載鶴  
共松舟近市炊烟隔林樵唱蒼茫望遠窈窕尋幽  
晚來還著屐窮巖壑更上絕頂飛樓何事西來爽氣

偏對吟眸指青巒萬疊澄川百道遶闌分列似畫難  
收方信三吳佳景盡屬清秋

陳如綸字德宣太倉人嘉靖十一年進士官福建  
布政使參議有二餘詞一卷

小重山題東川

綠漲粼粼接碧空可人魚鳥境著閒翁蓬萊只在海  
山東烟霞迥杖履任從容無分學屠龍有時移短  
棹泛春風歸來篷底夕陽紅同酒伴爛醉水雲中

眼兒媚 荅銘泉春懷

羅袖輕盈怯風寒飛夢到長干蜂慵蝶倦紅稀綠暗  
春色將殘 二月家書猶未見錦瑟幾拋閑相思無  
奈千重烟樹萬疊雲山

踏莎行 荅賈竹亭春行

楊柳溪橋桃花野渡十年車馬同游處聯詩曾對月  
華明傷心祇見春光暮 迢遞雙魚浮沈尺素相思  
輾轉愁無數東風聽徹子規啼聲聲訴盡空歸去  
薛廷寵字萃軒福清人嘉靖十一年進士官工科

給事中出使朝鮮與華察及蘇世讓成世  
昌等倡和有皇華集四卷

蝶戀花 殘春風雨

綠楊枝上黃鸝小長路關情花鳥三春了雲水迢迢  
鄉夢杳天桃穠李空開笑江笛一聲天正曉雨色  
愁人征騎忙多少紫荇風牽羅帶繞晚來頓覺輕寒  
峭

閔如霖

字思望烏程人嘉靖十一年進士歷官南  
京禮部尚書卒贈太子少保

臨江仙

萬里碧天清似洗銀河珠斗迴杓秋千院落月兒高  
柳陰牆外轉花氣戶邊飄春色惱人應不寢何人  
更品鸞簫靈雞未唱夜迢迢玉階清露濕金鼎碧烟  
銷

駱文盛

字質甫武進人嘉靖十四年進士官編修  
南鄉子夏日遊竹隱寺

古寺隱叢篁石徑逶迤碧蘚荒夾道松枝低拂憶蒼  
涼清露沾衣濕不妨緩步上迴廊老衲相邀入竹  
房旋汲山泉供茗椀悠颺風送閒雲下石牀  
許穀字仲貽上元人嘉靖十四年進士官南尚

寶獅有歸田稿

風入松癸亥端午

薰風吹滿舊都城斜日映鍾陵佳辰恰喜收殘雨正



榴花照眼烘晴閉戶恐辜令節開尊獨坐閑庭  
一年春夏等閑更冷煖不須驚瓜棚豆架空尋遍笑王  
郎好夢難成弔屈添來餘恨江邊嗚咽潮聲

蔡宗堯自號東郭子天台人嘉靖十六年舉人官  
松溪縣教諭有龜陵詞一卷

點絳脣

寒雨溪橋卷簾半醉春風好早鶯來了疎影梅花老  
吟破狂愁燕落江天渺山城小馬蹄多少露濕王  
孫草

明詞綜卷二

[Faint vertical text columns, likely bleed-through from the reverse side of the page]

明詞綜卷四

青浦 王 和 纂

陳 鎔 一首

萬士和 一首

李攀龍 一首

周思兼 一首

文 彭 二首

王世貞 八首

孫 樓 一首

王好問 二首

趙大佑 一首

邵圭潔 一首

鄔仁卿 一首

吳邦楨 一首

于 未 一首

王世懋 一首

王錫爵 一首

張鳳翼 一首

高 濂 二首

徐 渭 一首

陳 淳 一首

彭 年 一首

林 章 二首

夏樹芳 一首

支大綸 一首

趙南星 一首

屠 隆 一首

馮 琦 一首

湯顯祖 二首

袁 黃 一首

焦 竑 二首

陳繼儒 三首

王肯堂 一首

儲昌祚 一首

卓發之 一首

賀彥發 一首

楊繼禮 一首

陳

鑿

字子兼吳縣人嘉靖十八年進士官四川  
右布政有已寬堂集

珍做宋版印

風中柳湖上

萬頃平湖勝在吳山高處兩峯閒蘆汀鷗渚隨波蕩  
漾見漁舟無數雲帆外幾邨煙樹 茶磨郊臺千古  
浮雲去住越溪中五湖東注橋邊楊柳已條條金縷  
且留連莫教春去

萬士和

字思節宜興人嘉靖二十年進士歷官禮  
部侍郎諡文恭有貴行集

臨江仙同楊魏村少參登桐君山

睡裏釣臺相失尋仙且上桐山亂峯環合碧波寒笑  
攜黃鶴伴來坐白雲間 二十年前遊處好趨庭猶  
憶紅顏而今狼籍鬢垂斑西風衰草外長嘯下松關  
李攀龍 字于鱗歷城人嘉靖二十三年進士歷官

河南按察使有滄溟集

長相思

秋風清秋月明葉葉梧桐檻外聲難教歸夢成 砌  
蛩鳴樹鳥驚塞雁行行天際橫偏傷旅客情

周思兼

字叔夜江南華亭人嘉靖二十六年進士  
官工部員外出為廣西提學副使

王元美云叔夜小詞咸嫵媚蕭疎令人自親

浣溪沙

天上青鸞月下逢玉窗斜掩影重重吹簫人在畫樓中  
問道綠陰今幾許兩竿長日舞春風瀟湘秋色總無窮

文

彭字壽承長洲人官國子監博士

漁父詞余有別業在笠澤之上常課耕於此偶

閱黃太史漁父詞喜而繼作

吳淞江上是儂家每到秋來愛荻花眠未足日先斜  
妻笑船頭看落霞

又

夜深結網一燈紅吹笛鄰舟攬睡濃雲夜月雨晴風  
都在漁家爛醉中

王世貞

字元美太倉人嘉靖二十六年進士歷官

刑部尚書有弇州四部稿

堯山堂外紀弇州少讀書駱行簡奇之曰他日必以文章名世汪伯玉云詩如孫武韓信用兵宮嬪市人無不可陣詞則沾沾自喜亦出人一頭地李于鱗云惟某敢與

狎主齊盟而小詞弗逮也

### 浣溪沙

窗外閒絲自在遊  
隔花山鳥弄鞦韆  
一庭芳草怨清幽  
權把束書鈎  
午夢起沾邨釀  
發春愁  
放教殘日過牆頭

### 望江南

歌起處斜日半江紅  
柔綠篙添梅子雨  
淡黃衫耐藕絲風  
家在五湖東

### 重疊金回文

斷風依約愁砧亂  
亂砧愁約衣風斷  
無語對燈孤  
孤燈對語無  
冷香留去影  
影去留香冷  
思後夢來期  
期來夢後思

### 虞美人

摩訶池上金絲柳  
慣愛纖纖手  
折來將表片  
時心記取  
淺黃柔綠淚痕深  
博山香細銀燈吐  
乍識黃昏雨  
嬌花欲展半  
蔦紅錯道褪殘  
春事罵東風

### 又

浮萍只待楊花去  
况更廉纖雨  
鴨頭虛染最長條  
醞造離亭清淚幾  
幾時消  
珊瑚翠色新  
豐酒解醉愁人  
否薄寒攏送汝  
南雞偏向碧紗厨  
畔醒時啼

漁家傲

細雨輕煙裝小暝，重衾不耐春寒橫。裊盡博山孤篆，影閒自省天涯有個人同病。十二巫峯圍畫永，黃鸝可喚梨花醒。雨點芳波揩不定。臨晚鏡，真珠簌簌胭脂冷。

河滿子

卵色遙垂別浦魚鱗淺，整平沙小拂東風。無氣力，悠揚自在楊花輕暖。輕寒天氣，半村半郭人家。碧貯蓮花露，酒香分穀雨。泉茶呼取自斟，還自勸烏紗。任汝欹斜返照，一行歸騎隔林幾點殘鴉。

玉蝴蝶

記得秋娘家住皋橋西，弄疎柳藏鴉翠袖。初翻金縷，鈎月暈紅牙，啓朱唇含風桂子。喚殘醉微雨梨花最堪誇。玉纖親自濃點新茶。嗟呀顛風如雨，落英千片斷送年華。海角山尖不應飄向那人家。惹新愁高樓燕子，賺人淚芳草天涯。况淪陽偶然江上一曲琵琶。

孫

樓字子虛常熟人嘉靖二十五年舉人官湖

州府推官

念奴嬌用東坡赤壁懷古韻

明

詞綜

卷四

三中華書局聚

紅塵深處轉愁腸却憶江南景物變  
雲開梅雨霽一片蒼崖翠壁竹裏鳴  
淙松間瀉瀑衣袂飛珠雪流觴  
遞詠山中誰是奇傑而今歸路迢  
遙宦途迤逗彈鋏悲歌發去住無  
憑眠未穩好夢隨生隨滅過雁  
牽情吟蛩送淚聽裏堪華髮青山  
不負有時還醉蘿月

王好問

字裕卿樂亭人嘉靖二十九年進士歷官

南京戶部尚書有春照齋集十一卷詞附

趙符庚云西塘如秋水芙蓉寒江映月

吳三樂云西塘詩餘可伯仲有宋無愧作  
者

賀聖朝

寄遠

嬾嬾西風斂暝煙日啣山陰陰楊柳暗長川水如天  
一別玉京成遠夢幾經年錦魚千里為誰傳思依  
然

點絳脣

春愁

九十春光可憐長日空辜負別離情緒最怕黃昏雨  
倚遍樓頭望斷春歸處人無語落花飛絮又過秋  
千去

趙大佑字世伏太平人嘉靖二十八年舉人官瀘



州知州

菩薩蠻

畫梁雙燕春江曲翠樓掩映垂楊綠往事幾憑欄關  
山風露寒 綵雲無覓處回首桃源路惆悵月華明  
新歡舊恨并

邵圭潔字伯如常熟人嘉靖二十八年舉人

謁金門

江草碧又見一年寒食風雨落花春可惜捲簾人獨  
立 十里青山咫尺兩岸綠楊如織酌酒賦詩俱未  
得浪將光景擲

鄔仁卿字汝元丹徒人嘉靖三十一年舉人官湘

潭縣知縣

沁園春 招隱看梅

十里江城共向東風尋到梅花想三更幽夢悄移石  
罇一枝春影扶上窗紗鐵骨峻嶒冰姿修潔可是神  
仙萼綠華今宵醉且休吹玉笛只按紅牙 槎枒綺  
席橫斜恨知己難逢好句賒但已攬零落金鈴莫繫  
不甘爭媚錦幕休遮冷欲侵人清能絕俗肯讓狂蜂  
坐晚衙爭憐惜怕角聲吹徹片片飛霞

吳邦楨字子寧吳江人嘉靖三十二年進士官太

虞美人

西溪十里漁邨路，猶記看梅處。暗香疏影最關情，更  
憐雪外一枝橫。雨初晴，而今別去，梅花久，梅好應  
如舊。風霜媿我漸蒼顏，長教老鶴怨空山。幾時還

于

未字勵庵金壇人嘉靖三十四年舉人

清江裂石

忽見推簾起暮鴉，風逼小燈斜。又被打聽雪片巡簷  
問，可壓梅花正開釭。初試屠蘇酒，舉杯誰勸強。半惜  
年華縱博得，玉壺香暖畢竟是天涯。渾一片雲山  
四圍隱隱飛巒帶，不起煙霞驢背歎。行頻墟頭暫醉  
料醒來孤蹤依舊塵沙。正醒醉含愁，猛聽征鴻嘹唳  
哀怨過誰家。

王世懋

字敬美太倉人嘉靖三十八年進士官太

常寺少卿有奉常集詞

如夢令

枝上子規猶鬧門外碧梧誰掃。病起不禁秋倚盡小  
樓殘。照寒峭。寒峭一夜白蘋天老。

王錫爵

字元馭太倉人嘉靖四十一年賜進士第

一歷官吏部尚書建極殿大學士謚文肅

南歌子遊仙詞

月色依微照雲光淺淡流捲簾同上最高樓試看海  
天萬里好清秋 酌酒金螺小調笙玉指柔更深鶴  
背冷颼颼勸我今朝且住莫歸休

張鳳翼字伯起長洲人嘉靖四十三年舉人

如夢令七夕風雨

狼籍芳筵瓜果妬煞無情風雨拆了鵲邊橋怎把佳  
期留住知否知否一夜淚痕深注

高 濂字深甫杭州人

沈詞隱云高深甫詞獨出清裁不附會於

庸俗者

西江月題情

有恨不隨流水閒愁慣逐飛花夢魂無日不天涯醒  
處孤燈殘夜 恩在難忘銷骨情含空自酸牙重重  
疊疊剩還他都在淋漓羅帕

風入松

濃煙稠白望中深雪色雲陰梅花剩有西泠約攜樽  
不負追尋蕩日冰漸萬頃搖風玉瘦千林 寒空倚  
閣費孤唸坐有知音一鳥不飛天影黑微茫山樹俱

沉歌出陽春白雪情憐遠水遙岑

徐渭字文清更字文長江陰人有闕編櫻桃館

集

浣溪沙 鑑湖

淺碧平鋪萬頃羅越臺南去水天多幽人愛占白鷗  
莎十里荷花迷水鏡一行遊女惜顏酡看誰釵子  
落清波

陳淳字道復長洲人監生

柳塘詞話王父一泉公過姚山訪白陽山人白陽贈以詩云重重烟樹鑠招提野客來尋路不迷纔過石橋塵又隔落花無數鳥爭啼作擘窠書併咏松浣溪沙以為壽王父作三臺令以答之云酒在孤斟不醉客來共憩無譁薄業垂楊江岸一聲橫竹漁家今閱喪亂後而得手蹟于大覺寺僧家幸也

如夢令

吟罷小池楊柳酌盡玉壺春酒水面正風來吹亂一天星斗消瘦消瘦愁在憑闌時候

彭年字孔嘉長洲人布衣

風入松元州畫贈素安聯床夜話圖

雨餘山閣洗炎囂絳燭頻燒故人住近攜琴至豈煩  
折簡相邀新衾景山斟酌小團鴻漸烹調畫檐風  
動響芭蕉梧竹條條石床涼思清肌骨紈扇都拋辨  
馬極談申日聞雞起舞中宵

林章字初文福清人萬歷元年舉人

### 孤鸞

爲誰拋撇似海燕初分林鶯乍別回首天涯滿目雲  
山愁絕東風不憐春色把一枝楊花吹折直恁粘烟  
帶雨更盈盈似雪奈夢兒相隔恨難說想昨夜孤  
衾今朝雙頰比這青衫上有幾重啼血一聲晚鐘動  
了又送人斷腸時節莫把琵琶亂撥正春江潮咽

### 更漏子咏啼

春山愁秋水怨鬪下兩行珠串梅子雨蓼花霜長亭  
十里妝和月說因風咽一一鶯喉燕舌怕上點枕  
邊聲聲點點情

夏樹芳字方卿江陰人萬歷元年舉人有消暘集

### 醉落魄

團冰握雪天公幻箇人孤潔最憐誤向風塵撇貌似  
春花命似晚秋葉酒邊燈下曾相洽重逢不耐匆

珍做宋版印

匆別新來真箇音書絕歡似浮雲愁似半殘月

支大綸字心易嘉善人萬歷二年進士官奉新縣

知縣有華萃詞一卷

山花子

楓葉霜催暮色殘相思人在碧雲間何處瓊簫吹月

下倚闌干 夢斷兩聲雞塞遠愁移花影鳳樓寒莫

恨王孫消息斷萬重山

趙南星字拱極高邑人萬歷二年進士歷官吏部

尚書諡忠毅

水龍吟 楊花用章質甫韻

春閨忒恁愁人已看盡落紅翻墜楊花更慘連空映

日撩人情思飛過高城尋來小院從教門閉偶蘋風

乍定商量暫住低飛燕還扶起 何處疑花亂玉幾

曾堪髻簪衣綴蘭閨人倦多愁牽夢難成易碎小玉

聲喧晴天雪下香堦無水憶遼西何處神魂蕩漾暗

拋紅淚

屠 隆字長卿鄞縣人萬歷五年進士官禮部主

事有由拳集

清江裂石 西湖

水綠森重湖背郭斜永日坐蒹葭四面山青不斷樓閣

外亂水明霞有畫船錦纜載詞客金翹雜珮強半披  
吳娃水窮處長林古寺夏木綠陰遮回首望空明  
白鷗隱隱飛來帶一片輕沙把酒問西湖今來古往  
都不管興亡舊恨年華且與君擢扁舟聽取哀絃急  
筓散髮弄荷花

馮

琦

字用韞臨朐人萬歷五年進士歷官禮部尚書諡文敏有北海集

如夢令

竹外瑤華千頃更與素梅掩映雙雀噪寒枝蹴落飛  
花無影相並相並明月驚棲不定

湯顯祖

字義仍臨川人萬歷十一年進士官禮部主事有玉茗堂詞一卷

柳塘詞話義仍精思異影見於傳奇出其餘緒以爲填詞後人咏其迴文必指爲義仍傑作也

好事近

簾外雨絲絲淺恨輕愁碎滴玉骨近來添瘦趁相思  
無力小蟲機杼隱秋窗黯淡煙紗碧落盡紅衣池  
面又西風吹急

阮郎歸

明

詞

綜

卷四

七

中華書局聚

不經人事意相關牡丹亭夢殘斷腸春色在眉彎倩  
誰臨遠山排恨疊怯衣單花枝紅淚彈蜀妝晴雨  
畫來難高唐雲影間

袁黃字坤儀嘉善人萬歷十四年進士官兵部

郎中

鷓鴣天題村叟屋壁

數疊煙林散翠鬟莫嫌此地少青山酒逢社日添酬  
應花到開時費往還松老大竹平安柴門雖設不  
曾關旁人方訝茅齋窄鶴柵蜂房割半間

焦竑字弱侯上元人萬歷十七年賜進士第一

官修撰有澹園集

菩薩蠻

梅花坐對天如水月明千里人千里莫上最高樓長  
江生別愁百年今夕會且共罇前醉明日又離歌  
天涯奈爾何

江神子

西風吹袂弄新晴月籠明小梅橫席上孤琴又作斷  
腸聲人去青山衰草裏憑誰共遶花行強拈綵筆  
賦離情憶平生到深更欲寫年來意思苦難成但把  
深杯留客醉知何日笑相迎



陳繼儒字仲醇江南華亭人有晚香堂詞二卷

柳塘詞話眉公早歲隱於九峯工書畫與董宗伯其昌善爲延譽公卿間每得眉公片楮輒作天際真人想但傳其居佘山只吟咏過日不知宏景當年松風庭院中作何生活其小詞瀟灑不作豔語

攤破浣溪沙

梓樹花香月半明棹歌歸去草蟲鳴  
曲曲柳灣茅屋矮挂魚罾  
笑指吾廬何處是一池荷葉小橋橫  
修竹紙窗燈火裏讀書聲

又

蜂欲分衙燕補巢陰陰落落葉  
遍江皋一陣窗前風雨到打芭蕉  
驚起幽人初睡午茶烟繚繞  
繞出花梢有箇客來琴在背度紅橋

浪淘沙

風雨霎時晴荷葉青青雙鬟捧  
著小紅燈報道綠紗窗底下  
蕉月分明枕簟嫩涼生  
茉莉香清蘭花新吐百餘莖  
撲得流螢飛去也團扇多情

王肯堂字字泰金壇人萬曆十七年進士歷官福

建布政司參政

多麗

步花陰滿園春色飄零過橫塘曲闌斜折崎嶇轉入  
荷亭坐無聊起看畫障行還倦閒撥爐薰暗覺聲喧  
微窺影亂映門一線露羅裙雙扉屏啓縮衣翠袖相簇  
度銀屏霎時見虛窗雪豔素壁霞明細看伊蓮隨  
步起果然蘭並肌芬臉盈盈疑開蛤帳腰細細堪試  
香塵膩髮盤雲修眉偃月珊瑚一顆蹙朱櫻擎漿處  
春纖如削渾是玉雕成臨別去流波迴覩障面笑狂  
生

儲昌祚

字肩宇宜興人萬歷十七年進士官四川  
按察司僉事

清平樂 春雪

雪眠風掃飄泊知多少盼斷天涯春色杳一夜青山  
都老金猊桂橐重燃烟籠修竹千竿只有梅花添  
恨幾枝早落階前

卓發之

字左車仁和人

王阮亭云左車詞尚駿逸頗有宋人風味  
至珂月而格調尖新語意儂側極詞家之  
變態矣

菩薩蠻 落花

小玉樓前風雨急春光一霎都狼籍桃葉與桃根誰  
家最斷魂尊前回首望昨夜花成浪總是雨收時  
月明空滿枝

賀彥登丹陽人

菩薩蠻

綠窗擁被鶯呼醒紅雲微皺愁難整檀炷裊薰籠羅  
衣三兩重流蘇休便揭欲起愁無力楊柳小腰肢  
春來瘦不支

楊繼禮字彥履婁縣人萬歷二十年進士官右諭

德

浪淘沙

錦席綺筵重蘭炷香濃隔簾鸚鵡喚秋風六曲闌干  
頽玉處夢到巫峯金縷翠雲中寶髻輕鬆綠窗月  
色正朦朧說到飛觴傳永夜怕聽飛鴻

明詞綜卷四

東坡先生詩集卷四

會五龍識補便飛鶴前承好曲懸銀

蘇子去勢任巫峯 金斨翠雲中

誰知此後重補掛香麝留藥鑿謝與火風六世閣干

...

...

...

...

...

...

...

...

...

...

...

...

明詞綜卷五

青浦 王昶 纂

李日華 一首

查應光 一首

范鳳翼 一首

支如玉 一首

吳克 一首

費元祿 一首

俞彥 二首

王衡 二首

吳宗達 一首

雷迅 一首

魏大中 一首

陳翼飛 一首

吳宗儒 一首

焦源溥 一首

方于魯 一首

錢士升 一首

錢繼登 一首

劉榮嗣 一首

魏浣初 一首

阮大鍼 一首

王坊 一首

鄭士奇 一首

張名由 二首

黃承聖 一首

莫是龍 一首

徐燠 一首

張璋 一首

彭紹賢 一首

吳鼎芳 二首

馬洪 四首

施紹莘 八首

董斯張 一首

顧同應 二首

馮盛世 一首

范文光 一首

孫茂芝 一首

珍做宋版印

徐石麟一首

王叔屋一首

葉紹袁一首

陸錫明一首

汪膺三首

范滂一首

汪廷訥一首

李日華字君實嘉興人萬歷二十年進士官太僕

寺少卿有紫桃軒雜綴

玉樓春題柳洲待別圖送劉躍如

輕暖輕寒無意緒朝來幾陣梨花雨妝成獨自倚闌

干暗數落紅愁不語 杜宇一聲人欲去殘雲片片

依沙渚橫塘十里柳煙濃維舟正在煙深處

查應光字賓王休寧人萬歷二十五年舉人有麗

崎軒詞一卷

浪淘沙

白髮亂侵頭嬾上高樓朦朧新月曲如鉤檻外蘋風

驚乍起暑氣潛收 宿雨漲迴流喜泛輕鷗蓼花一

望滿汀洲正好開襟延賞處無限新秋

范鳳翼字異羽通州人萬歷二十六年進士歷官

光祿寺少卿有勳卿集

王阮亭云勳卿白狼耆碩所著小詞曠烈

似半山而風味過之

減字木蘭花 邗江歸思

晴雲如絮霎時飛入銀河去露洗遙空廿四橋頭一  
笛風 客窗無暑片霎芳塘清曉雨月冷邗溝夢破  
狼峯絕頂秋

支如玉字寧瑕嘉善人萬歷二十八年舉人官刑  
部主事有半衲庵集

酷相思

新柳月痕初墜恨春鳥催人起想盟言花片隨波逝  
欲住也留無計欲去也留無計 印舊添新衣上淚  
左右拚憔悴問九峯桃李曾開未人遠也書難寄春  
盡也愁難寄

吳 充字魯于武進人萬歷二十八年舉人

漁歌子

千頃蒹葭一釣翁家居南浦小橋東桃花水鯉魚風  
短笛橫吹細雨中

費元祿字無學錫山人有秀甲集

賀新郎

瑞腦燒金鼎捲重簾庭陰正午畫堂人靜春落天涯  
知何處糝地楊花飛盡印玉枕流鶯催醒梅雨紗窗  
寒欲透更長年二月厭厭病愁不語懶窺鏡 江南

舊事須重整隔花陰傳消寄息月娥難倩夢斷秦樓  
相思久芳草佳期未準倚徧了梧桐金井蝴蝶已歸  
煤麝冷枉教人揉碎丁香影誰共我步香徑

俞

彥字仲茅上元人萬歷二十九年進士官

光祿寺少卿

花草蒙拾俞仲茅小詞云輪到相思沒處

辭眉間露一絲視易安纔下眉頭又上心

頭可謂此兒善盜 詞衷少卿刻意填詞

工於小令持論極嚴且以刻燭賡唱為奇

不無率露語至其備審源委不趨佻險而

遵雅淡獨見典型

長相思

折花枝恨花枝準擬花開人共卮開時人去時 怕

相思已相思輪到相思沒處辭眉間露一絲

鷓鴣天瓶梅

淺渚明沙聚碧流依然春信鎖枝頭金徽昨夜初賡

曲羌笛何人更倚樓 朝露重晚煙浮幾回花下月

如鈎而今貯向紗窗裏點點寒香入夢愁

王

衡字辰玉太倉人萬歷二十九年進士官編

修有緱山集



點絳脣 送陳仲醇

濕夢沉沉芭蕉雨響燈花卸月兒來也人又隨潮下  
最怕登高醉面秋風灑紅堪把茱萸看罷半刻重  
陽假

如夢令 蘆鴈

風起蘆花如醉歷歷鴈行成字一點一聲寒霜重曉  
楓羣碎知未知未只在淺深沙際

吳宗達

字青門武進人萬曆三十二年進士官大學士諡文端

滿庭芳

蕉長青箋筍抽班管悶懷欲寫無多鸞臺鳳閣心事  
久蹉跎小構數篆茅屋但傍取千頃澄波扁舟繫酒  
筒茶竈隨意泊煙蘿知音三兩客朝朝暮暮百徧  
相過判冷吟閒醉雅謔狂歌風雨不妨閉戶凭欄處  
嫩蕊柔柯君知否才情標格千載憶東坡

雷

迅字聖肅青浦人萬曆三十四年舉人官夔

州府推官

蘇幕遮 惜春

柳含絲梅破萼報道東風一夜穿簾幕春光依舊人  
非昨忽訝春光不是人情薄花前醉月下樂只恐

韶華易去難留閣明朝雨暗胭脂落莫怨春光不管  
人消索

魏大中 字孔時 嘉善人 萬曆三十五年進士 歷官

吏科給事中 諡忠節

臨江仙 錢塘懷古

埋沒錢塘歌吹裏當年卻是皇都趙家輕擲與強胡  
江山如許大不用一錢沽 只有岳王泉下血至今  
泛作西湖可憐故事眼中無 但供儂醉後囊句付奚  
奴

陳翼飛 字元朋 平和人 萬曆三十八年進士 官宜

興縣知縣 有慧閣集

字字雙 戊婦

長城飲馬嘶復嘶 古木寒雅棲復棲 空牀獨守啼復  
啼 從軍蕩子西復西

吳宗儒 字次魯 休寧人 有巢雲軒集

如夢令 春暮別張允升

花落春歸時節滿 目楊花飛雪 杯酒幾多情 愁對東  
風話別聲 咽聲咽去後 相思啼鴂

焦源溥 字涵一 三原人 萬曆四十一年進士 歷官

僉都御史 巡撫大同 殉闕難死

王阮亭云豹人述中丞殉闕難事甚烈爲  
選小詞登之正如陳了翁文信國諸公令  
讀者愛其寸璣殘壁也

### 醉花陰

紅綴繁枝鶯語巧弱柳和煙裊玉勒慢尋芳踏徧東  
臯滿眼青青草煙岫重重霞氣表無數山花繞古  
寺梵音沉曲徑疎籬纔信郊居好

方于魯字建元歙縣人有佳日樓詞一卷

臨江仙曹載信來訪山中偕飲溪上酒家

小市橋橫堪繫馬雙溪水暖浮鷗青帘風亞酒壚頭  
垂楊當戶隔芳草帶煙流千里故人雞黍約百錢  
挂杖登樓竹林把臂及春遊休嗟逆旅客且作醉鄉  
侯

錢士升字抑之嘉善人萬歷四十四年賜進士第

一歷官太子太保文淵閣大學士

### 滿庭芳次東坡韻

往事千端閒愁萬斛世情無數嵯峨電光石火變態  
閱來多坐見新亭洒淚空回首麥秀興歌方悟得金  
羈脫去細草落平坡桃源何處是忙呼漁艇來往  
如梭長消受寒蘆皓月銀波更喜蘋香菱熟駕舴艋

閒傍蒼柯何多事羊裘五月江上好披蓑

錢繼登

字龍門嘉善人萬歷四十四年進士官饒州府知府有壘專堂集

浣溪沙

蟬避濃炎靜不譁東憐伊軋線絲車豆棚瓜架野人家  
翠莢嫩堪浮茗氣黃雞肥欲待薑芽閒搔短髮  
日西斜

劉榮嗣

字敬仲曲周人萬歷四十四年進士歷官工部尚書有半舫集

長相思

山悠悠水悠悠水遠山長湘渚秋衡陽天盡頭 風  
滿舟雨滿舟細雨斜風生暮愁誰登江上樓

魏浣初

字仲雲常熟人萬歷四十四年進士歷官廣東提學參政有四如山樓集

望江南

江南憶佳味憶江鮮刀鱗霜鱗婁水斷河豚雪乳福  
山船齊到試燈前

阮大鍼

字集之懷寧人萬歷四十四年進士歷官兵部尚書

減字木蘭花

春光漸老流鶯不管人煩惱細雨窗紗深巷清晨賣  
杏花 眉峯雙蹙畫中有個人如玉小立簷前待燕  
歸來始下簾

王

坊字元表江南華亭人萬歷四十年舉入官

信陽州知州

一斛珠落花

翻空紅雨多隨春信紛紛去萬千綠葉無情緒連夜  
生新占盡花開處 一霎辭根無定所傷心紅粉成  
黃土憐香只有鶯啼樹似勸東風略做些兒主

鄭士奇

字平于嘉興人萬歷四十六年舉入官興

國縣知縣

百字令自述用東坡韻

先生拂袖賦歸來曾見義熙人物老去懶搖白羽扇  
只愛青林石壁坐引桐風書研竹露詩淨峨嵋雪山  
中皓首那知世上豪傑 自笑癡興還濃紫芝採就  
高詠林間發午後松濤翻雪乳片縷茶煙明滅世事  
如棋臣心似水老濯滄浪髮寒梅吹綻一林香影明  
月

張名由 字公路嘉定人諸生有張公路集八卷詞

附

清平樂

綠楊陰裏桃徑吹紅雨金勒玉驄何處去滿目天涯  
飛絮別離情緒難禁餘香猶在羅襟盡日翠鈿慵  
整菱芳暗襲芳塵

南歌子 新夏

晚霽收梅雨輕陰舞棟花前林煙縷暖殘霞平蕪雙  
燕飛去受風斜 悵望迷南浦愁心水一涯滿溝新  
漲遶田家不勝聒耳青草有鳴蛙

黃承聖

字奉倩太倉人有蘿窗詞一卷

霜天曉角

春日小窗獨坐聞鷓鴣聲有感

淒涼曉色衣帶雲英濕芳草春來破凍闌干外一痕  
碧鷓鴣聲正急綠窗人怨泣休向東皇訴恨狂風  
在女牆側

莫是龍

字雲卿以字行更字廷韓江南華亭人以  
諸生貢入太學

青浦詩傳云雲卿為方伯如忠子幼而聰

慧工詩詞又善書畫以貢入太學時稱翻

翻佳公子王道思贈以詩云風流絕世美

何如一片瑤枝出樹初畫舫夜吟留客駐

練裙晝臥有人書又嘗作送春賦皇甫訪

稱之曰以翔鸞翥鳳之勢橫行雲滯雨之  
情王世貞云若阿嬌出長門小玉枕臂掩  
泣殊不勝情惜勿令少年見之年三十而  
歿

### 清平樂

春光已半無語空腸斷  
亭院落花脂粉亂  
掃却坐來還滿  
玉鬪消息難憑  
機頭錦字初成  
愁似故園芳草東風一夜還生

徐

渤字興公閩縣人布衣有鼇峯集

### 望江南

城上角吹動薜蘿煙  
別意難忘燈下約  
歸期空向夢中傳  
消息杳如年  
孤館客今夕不成眠  
萬井寒砧敲夜月  
數聲黃葉墜  
秋天人在碧雲邊

張

璋字韋玉武進人萬歷四十七年進士官左

副都御史諡清忠

### 雙雙燕 秋日過橫山堂

披蓬探隱到幽草  
溪頭碧陰山曲竹  
韻松姿媚却吟眸  
詩腹是處翠峯成  
簇更新秋雨涼如沐  
深林宛轉芳禽淺  
澗琤琮漱玉  
孤獨簡編娛目有  
紉佩芳蘭供  
澹茂菊藤床閒憩  
夢入華胥應樂好  
是月明簾軸

恰一枕清酣睡足小小花童低報瓦鼎烹茶剛熟

彭紹賢字孔嘉海鹽人萬歷間官參將有擊壺集

浣溪沙途次有感

曉發離亭春日遲暖風陣陣弄遊絲嫩黃吹上去年  
枝別恨陡隨芳草遠歸心先被杜鵑知落花無賴

點征衣

吳鼎芳字凝父吳縣人後為僧號啞囃

梅墩詞話吳凝父有春游曲云雨餘芳草

綠新齊亭榭無人絲幕低忽慢好風傳語

笑流鶯飛過杏花西則詩亦詞也

惜分飛閨情

紅界枕痕微褪玉喚起那禁幽獨好鳥啼春足歸期  
不準花鬚卜盡日眉峯雙凝綠十二繡簾低軸人  
在闌干曲楊花却羨無拘束

虞美人

海棠不礙曉紗影鬢髻鴛鴦領繡棚吹落唾花紅但  
見餘香一點裊晴風柳眠無力輕煙惹春色撩人  
也羅衫閒搭畫闌邊日暖融融好箇洗頭天

馬洪字浩灑仁和人  
有花影集三卷

詞品馬鶴窗善詠詩尤工長短句雖皓首



韋布而含吐珠玉錦繡胸腸袞然若貴介  
王孫也詞名花影蓋取月下燈前無中生  
有以爲假則真謂爲實猶虛之意徐伯齡  
云鶴窗與陸清溪同出劉菊莊之門清溪  
得詩律鶴窗得詞調異體齊名可謂盛矣

### 少年遊

弄粉調脂梳雲掠月次第曉妝成鸚鵡籠邊鞦韆牆  
裏半晌不聞聲原來卻在瑤堦下獨自踏花行笑  
摘朱櫻微揜翠袖枝上打流鶯

### 行香子

紅遍櫻桃綠遍芭蕉鎖窗深春思無聊雙飛燕懶百  
轉鶯嬌正漏聲遲簾影靜篆香飄惜月前宵病酒  
今朝有誰知臂玉微銷封題錦字寄與蘭翹恨樹重  
重雲渺渺水迢迢

### 滿庭芳落花

春老園林雨餘庭院偏惹蝶駭鶯猜薦紅皴白狼籍  
滿蒼苔正是愁腸欲斷珠箔外點點飄來分明似身  
輕飛燕扶下碧雲臺當初珍重意金錢競買玉砌  
新栽更翠屏遮護羯鼓催開誰道天機繡錦都化作  
紫陌塵埃紗窗裏有人憐惜無語托香腮

東風第一枝梅花

餌玉餐香夢雲惜月花中無此清瑩儼然姑射仙人  
華珮明璫新整五銖衣薄應怯瑤臺凄冷自驂鸞來  
下人間幾度雪深煙暝孤絕處江波流影顛顛也  
春風銷粉相思千種閒愁聲聲翠禽啼醒西湖東閣  
休說當時風景但留取一點芳心他日調羹翠鼎

施紹莘

字子野青浦人有花影詞四卷

青浦詩傳云子野少負雋才作別業于柳

上又營精舍于西余極煙波花藥之美時

陳眉公居東余管絃書畫兼以名童妙伎

來往嬉遊故自號浪仙亦慕宋張三影所

作樂府著花影集行世

如夢令

日約樓陰初整風暖煙消人靜早起未梳頭閒掃小  
園芳徑清淨清淨只剩數枝花影

浣溪沙

半是花聲半雨聲夜分浙瀝打窗櫺薄衾單枕一人  
聽密約不明渾夢境佳期多半待來生淒涼情况  
是孤燈

菩薩蠻

春深加倍心情惡，慵歌懶笑梳妝薄。獨自掩窗紗，鶯啼訴落花。夢回剛拭淚，偷立秋千背。風起亂紅飛，不知雙淚垂。

點絳脣 柳橋次韻

寺枕荒塘，時時雪浪吞僧屋。橋頭路曲，廢井當枯木。如此幽閑，恰好閑人宿。窗敲竹，酒醒茶熟，天水鸚哥綠。

浣溪沙 月夜

如鏡窺妝逗小樓，真珠簾外半痕收。倒簷花影上人頭。品得秦箏初度曲，花前和露耍鞦韆。柳絲濃翠拂鞋鉤。

又

愁臥寒冰六尺藤，懶添溫水一枝瓶。亂雞啼雨要天明。等得夢來仍夢別，甫能驚覺又殘燈。西江別路繞圍屏。

謁金門

春欲去如夢一庭空，絮牆裏鞦韆人笑語。花飛撩亂處，無計可留春住。只有斷腸詩句，萬種消魂多寄與。斜陽天外樹。

滿庭芳 初夏

明詞綜 卷五

樹染橙香花燃榴火曲池蓮蓋初張槐陰半畝引起  
竹床涼門靜閑花自落小園中無數新篁凭欄久閑  
閑鸚鵡摘葉戲螳螂日長真似歲輕施冰簟閒夢  
羲皇正孤蟬吟樹乳燕依梁且喜黃梅過也建蘭開  
巖芥茶香東齋晚一壺村酒新月上松窗

董斯張

字遐周烏程人監生有靜嘯齋詞一卷

柳塘詞話潯上董遐周與周永年茅維為  
詞友周有懷響齋詞茅有十賚堂詞而遐  
周詞並不隨人口吻陳黃門大樽謂其風  
流調笑情事如見者也

鵲橋仙 感悟

輕暖輕寒不晴不雨辜負韶光九十落花飛絮兩無  
情仗千尺遊絲作合塗抹東西飄零南北從此扁  
舟一葉夢回始覺未歸休恨一點窺人明月

顧同應

字仲從崑山人萬歷四十三年副榜子炎

武

柳梢青 螢

六曲窗紗夜涼如許秋在誰家簾外星移屋梁月墮  
逗得些些玉階悄憶年華曾幾照釵橫鬢斜長信  
宮閒摩訶池冷光黯秋花

浪淘沙

生小教人憐嬌擘瑤牋春來獨自在窗前謝女簾櫳  
飛柳絮秀句先傳香夢逗春煙一晌留連吟情多  
半為花牽還憶從郎徵險韻譜入冰絃

馮盛世

字念羅嘉善人天啓元年貢生官鎮海衛

訓導

感皇恩 詠鏡

有福共嬋娟相依白首看拂雙蛾似垂柳此中何處  
有個人兒爭瘦笑效顰難效腸迴九春塵飛處有  
時昏黝洗面還同美人鬪芙蓉映入疑是瀟湘清瀏  
怪東風起處吹難皺

范文光

字□□內江人天啓元年舉人歷官僉都

御史巡撫川南後殉難死

浣溪沙

再贈梁姬文正

夙世剛修半面緣西風吹上五湖船秋來瘦骨倍堪  
憐癡想只教魂孟浪閒情空對影留連相思同入  
藥鑪煎

孫茂芝

字若英嘉善人天啓元年副榜官沔陽州

同知

蝶戀花 春暮

柳絮捲將春色去芳草多情別作娛人具寶馬香車  
忙不住鞦韆正在陰濃處 蝶趁蜂交隨滿路畫扇  
輕衫逐處人爭聚若個醒然歸可據酒香一路青松  
樹

徐石麟字寶摩青浦籍嘉興人天啓二年進士歷

官刑部尚書明亡殉節 國朝賜諡忠懿

拂霓裳

望中原故宮錦樹障烽煙驚坐起涼宵夢斷蔣陵前  
金人傾寶露玉女繡苔錢問當筵誰能醉鼓漸離絃  
西臺哭罷三戶裏識遺賢敬皂帽吹簫乞食總堪  
憐英雄身未死屠釣技常連又何顏許青門瓜種故  
侯田

王屋字孝峙嘉善人有草賢堂詞十卷

臨江仙 顧四城北新居

獨訪柴門深竹裏板橋流水斜通漁舟泊處暮雲重  
數家橫浦上一徑入煙中 叢木暗妨樵路遠鷺鷥  
飛破霞紅輕雷隱隱小池東藕花鮮着雨菱蔓弱牽  
風

葉紹袁字仲韶吳江人天啓五年進士官工部主

事後為僧

梅墩詞話葉天寥水部詞偶見其浣溪沙  
云銀粉畫雲乾蝶夢繡鍼拋雨溼鶻愁冷  
笑博開雙臉白春愁不上小眉青先輩遂  
有此新豔過人之句其詞三十三首名遷  
聊集

水龍吟寫懷

寂寥蘋渚蘅皋道書讀罷香銷篆松聲入坐藥欄紅  
亞美人蕉釧極目平蕪天高水遠蓮歌遊遍且藤壺  
汲煮青衣小袖點取鳳團香片 自把秋棠手洗粉  
牆西翠梳新鈿開簾風動畫屏琴石輕陰滿扇挹酒  
盈尊摘花侵暝夜涼迎面更堪娛又有椒篇絮句麗  
詞常見

陸錫明

字幼輿平湖人天啓五年進士官江西提  
學副使

點絳脣琵琶

三尺冰絃夜深彈破青天竅意中人杳只有清光到  
蘆荻蕭蕭都入相思調愁懷抱婦娥心照訴與伊  
知道

江

膺字元御長洲人天啓七年舉人有寸碧堂  
集

浣溪沙

薄薄香雲穩稱肩鳳頭剛襯小紅箋  
鴉來堤畔蹋輕煙  
鳥學新聲窺翠憶蝶知芳氣  
上花鈿箇人何處不堪憐

又苦雨

宿雨酣花黯未收綠荷新漲小鱗浮  
柳綿欲下不成球  
飛沫卷珠過水面濕煙拖雨上雲頭  
多情強半為登樓

范

汭字東生烏程人有范東生集

望江怨

蘭房曉絡緯縹絲聲未了一霎愁多少  
桐陰斜壓闌干  
小人悄悄羅幕手慵開惟恐驚棲鳥

汪廷訥

字昌朝新安人

玉樓春

春懷迴文

畫圖開處飛鶯燕新漲春湖垂柳線  
架書淹日盡窮搜  
下幃孤坐棋彈倦  
掛簷晴翠山當面  
如如悟卻忘欣厭瀉玉寒泉  
遶石臺夜中歸鶴棲松院